


እትለ ሐልፈ ሳምን ለአንበተት መቃበለት ርኢስ ኢሳይያስ አፈወርቂ፡ ካልአይ ክፋለ አተላለ



እትለ ካልአይ ክፋል መቃበለቱ፡ ርኢስ ኢሳይያስ ለትቀደመ ዲቡ አወላይ ሰአል፡ አተላላይ ናይለ እተ ሐልፈ ሳምን እግል ሓለት አቶብዩ ለከሰስ ለትቀደመ እቲ ሰአል ዲብ ገብኤ፡ ለአግደ ሀደፍ ህንዲዶ ንዛም ወያኔ ለገእ ሽዑብ ትግራይ ለከሰስ ዐለ።

ርኢስ ኢሳይያስ እተ ሀበዩ በሊሱ፡ እለ አዜ ለሳደፊት ዛህረት፡ ፍገሪት ታሪክ ረዩም ክምተ ተውዴሕ ርሒብ ሀበ ዲቡ። ንዓል ሽዑብ ትግራይ ምን አሳሱ ቀድዮት አከዶት ዐድል ወመሳዋት ቆምዮት ክም ዐለ ለሽረሐ ርኢስ ኢሳይያስ፡ እተ አወላይት መርሐለት ናይለ ንዓል፡ ወያኔ ለቀንጸ እቡ ሀደፍ ፈንተዮት ትግራይ ምስል ወቅት መፋህማት ዲብ ገብኤ ዲቡ ክም ትሰይሐ ሐበረ። ምናተ፡ ሐቆ ወዲቅ ንዛም ደርግ ሚርሐት ወያኔ ለተበወ ሰለል ደገቡ ናይለ ዲብ 1970ታት ለዐለት እግሉ ሻክፈት ሲያሰት ወፍልሰፍናህ እት ገብኤ፡ ለሃረረ እቡ ቃኑን ሕኩመት ነቢር እብ ዐዳለት እንዴ ኢገብኤ፡ ትጨቀጥኩ ዲብ ትብል ብዕዳም እግል ትዕመም ክም ዐለ ዲብ ሸረሕ፡ ወያኔ ኖሰ እለ እት ዐመል እግል ተአውዕል ሰበት ኢትቀድር፡ መተንኩብ እት ብዕዳም ዲብ ለሐዜ ገብሮም ክም ገብኤ፡ አክረተ ህዩ መቃወመት ሽዑብ እንዴ ሀረሰ ሰብ ወዲቀ ክም ገብኤ ሸርሐ። ወያኔ ምን ሰልጠት ክም ትወርኩት ህዩ፡ ምን ሕጻት ሰብ ወዲቅ ለገብኤ ጌጋታት ትሰዩሕ፡ ሕርያን ሰከይ ገጽቀደም እንዴ ወዴት፡ እለ ለሐልፈ ህንዲዶታት ክም ሰበበት አብረህ።

ሽዑብ ትግራይ ምስል ሽዑብ ኤረትርዩ ልግባእ ውበዕድ ገባይል አቶብዩ ለለትብኢስ ለገብኤት ምሽክለት ክም አለቡ ለሸርሐ ርኢስ ኢሳይያስ፡ እለ ህንዲዶ እለ ሕርያን ሽዑብ ትግራይ እንዴ ኢገብኤ፡ እት ፍንጌ ኤረትርዩ ወአቶብዩ ለመጸት

ሰላም እግል ሐምረጎት አጀንደት ካርጅ ለሀረሰቱ ክምቱ እት ለሐብር፡ ሽዑብ ትግራይ ሀደፍ ክም ገብኤ ህዩ አፍሀመ። እለ ዲብ እት ሰነት 1992 ለገብኤ ዋዕለ እብ ሰሜት ኢህወደግ ፈደራልያይት ሕኩመት እንዴ አሰሰክ እዴ ለዐለት እግል ትጽበጥ ከትፍገር ለሀደፋ ትልም፡ ክምሰልሁመ እት ሰነት 1994 ማለለት ለኤተነቱ ደሰቱር ሕኩመት ዲቡ ዋዴሕ ክም ህለ ለዘክረ ርኢስ ኢሳይያስ፡ እለ ማሌ ለገእ ሰለስ ህንዲዶታት ወያኔ፡ እግል ሽዑብ እለ መንጠቀት እብ ዓመት፡ ሽዑብ ትግራይ ህዩ እብ ፍንቱይ ለዐበ ምህር ክም ዐለ ወድሐ።

እት ዕላቀት ኤረትርዩ ወሰማል ርኢስ ኢሳይያስ፡ ከልፍየት ታሪክ ሐቆለ ሸርሐ፡ ኤረትርዩ ሕርየተ እተ ረክበት ዲቡ ወክድ፡ ካቲመት ሐርብ ብሩድ፡ ሶማል ምስል ውድቀት ንዛም ሰያድ ባሬ ለትከለቀ ዲብ መትሻራም ሕክም፡ እግለ ገዜፍ ናይ በረ ወክርስ መትአታይ በክት እንዴ ከልቀ፡ መትዐካራር ሽዑብ እት ደረጀት ቀባይል ወዐዶታት እንዴ ትከረ፡ ሶማል፡ ፋሽለት ደውለት ዋዲህ ክም ጸንሐ እት ሸረሕ፡ ወጠንዩት ሶማል እት አካን በዲረ እግል ተአቅብል እብ አውለውየት፡ ሰያዶት መአሰሳት፡ አግደ ህዩ እግል ሽዑብ ሶማል ውሕደቱ ለከድም ወጠንያይ ዲብ እግል ትብኔ ክም ለአትሐዝዩ አፍሀመ። እብሊ ህዩ፡ ወላመ ሰዳይት ዐባይ ምን ኢልትበህል፡ ኤረትርዩ እብ ቅድረተ በዳሪት እንዴ ነስአት ሐዞተ ክም አግዴት ወድሐ።

ምናተ አዜመ፡ ሶማል መስኩብት እግል ኢትርኩብ ለናይ ካርጅ መትአታይ ልሰዕ ክም ኢዐረፈ ለትወዴሕ ውሕደት ወመስኩብት ሶማል ናይ መንጠቀት ሐዞተ ቀላል ሰበት ኢኮን፡ ክለን ድወል ምስል እንዴ በጥረዩ እግል ልሸቀዩ እተ ለወጅበን ቀድዮት ክምተ አፍሀመ።

ዝያድ ኩሉ ላኪን እለ መስኩልየት እለ ናይ ሽዑብ ወሕኩመት ሶማል ክምተ አክደ።

ዕላቀት ኤረትርዩ ወኪንዩ ዲብ ከሰስ ሰአል ርኢስ ኢሳይያስ፡ እት መደት ሕክም አራፕዎይ ጥዉር

ከሊመት ወዚር ካርጅየት እት ወዕለ እተሓድ አፍሪቀ

ሳልሕ፡ ዲብ ዮም 19 ፌብሩዌሪ ዲብ አዲስ አበባ እተ ገብኤ 36ይ እጅትማዕ መጅልስ ሚርሐት ድወል ወሕኩማት እትሓድ አፍሪቀ ከሊመት አሰምዐ።

ወዚር ዑሰማን እተ ሸርሐ፡ ለሃረርናህ ገበይ እንዴ ጌመምን ወለኢለአተማንዕ ዐቡት ወመሻክል ለቡ ፈሸልን እብ ዋድሕ እግል ነኣርኤ በክት ሰኒ ክምቱ አብረህ።

“ዮም አፍሪቀ፡ ፊድለ ገብኤ ለለአትዐጅብ ግድለ ወለትደፍዐ እስትሸሃድ ለትረከበት ዐውቲ፡ ምን እስትዕማር ፈግረት፡ ምናተ ውሕደት ለቡ ዳቅበት ወቅድምት አፍሪቀ ናይ ብንዩት ሕልም፡ ናይ ክርስ ተሐድያት ወናይ ካርጅ አትባዩእ እደይ ንሄብ ምንመ ብእቲ፡ ዲብ አካኑ ህለ” ለቤለ ወዚር ዑሰማን፡ ዲብ ገባይል አፍሪቀ እብ ዓመት ሸባብ ህዩ እብ ፍንቱይ ጥውርት ለህሌት ለሐሰት ፈሃዕት፡ አማንት፡ ወሰሙድ ወበታካት ሰአየት ለለህይብ ክም ቱ ወደሐ።

ለአማን እላመ ምን ትገብኤ፡ አፍሪቀ አሰክ እለ ዲብ እግል ትብጽሐ ለወጅብ ደረጀት ክም ኢበጽሐት፡ ሽዑብ ወሸባብመ፡ ዲብ እግል ልግብኤወ ለለሐዙ ክም ኢህለው ለሸርሐ ወዚር ዑሰማን፡ ምን ካርጅ ለልትሳወር ደግሸ ሸፍ፡ እቡ ትትደመር ክም ህሌት፡ ወድሐ።

ወዚር ዑሰማን እንዴ አትሉ፡ አሻይር ሰኒ ምንመ ህለ፡ ዐማር አፍሪቀ አሰክ እለ ሳብተት ክም ኢኮን፡ እብ አርዛቅ ጠቢዐት ራክባም ምንመ ሕክ፡ አሰክ እለ ደማንት ነብረ እግል ነኣክድ ክም ኢትቀደረ፡ ደረጀት ሰናዐት ቃረትናመ ድርህት ክም ተ፡ ብንዩት

ለዐለ ዐላቃት ሐቆሁ እብ ለትፈናተ አሰባብ እግል ሰዳይት መንጠቀት ወክልኢተን ድወል ለሰዴ ክም ኢዐለ፡ ምስል ምጸት ርኢስ ዊልያም ሩቶ ላኪን፡ እብ ሰብ ላዋሽ እደይ ካርጅ ክሰር ለዐለ አብካት ለአአቀብል እበ አርደት ጣፍሐት ክም ህሌት ሸርሐ።

ሸርከት መንጠቀት እበ ከሰስ እብ አሳሰለ ህለ መፍሁም፡ ኢጋድ ክም መዝመት መንጠቀት እግል ውሕደት ወመግወት ናይለ መንጠቀት እግል ትሸቁ ቀድረት ምን ገብኤ፡ ኤረትርዩ እተ መዝመት እግል ተአቅብል ምሽክለት ክም አለበ አክደ።

እለ መዝመት መንጠቀትን እብ ሐዲስ አትሳናይ እት ረሐ እንዴ ወዴት ሀደፈ ወአግቡይ ሸቅለ እግል ትጠውር ክልኢተን ድወል ምስል ክም ሸቀዩ ሐበረ።

ኤረትርዩ ድወል መዳንን ኒል፡ ቀር አፍሪቀ፡ በሐር ቀየሕ ወከሊጅ ዐረብ፡ ክም ሐቲ ግዋረ፡ ሕድ ዲብ ሰምደ እግል ልሸቀዩ ክም በን ረአይ

ምንመ ቤ እት መደት ሐርብ ብሩድ ምስለ ዐለ ናይ ድቁባት ጅግራታት፡ ሐቆሁመ አርቅጥቡ ንዛም ዐለም እግል ከሊቅ እበ ገብኤ ለዐለ ገሌ ድወል እንዴ ቀየድኩ፡ ናይ ዐሚም ወዘሚት ሰያሳት፡ እት ድወል ምግባይ ምፍጋር ጸሓይ ለህለ ሕዩል ዐስከርየት ካርጅ፡ ምስል ድወል ግዋሬ መፍሁም ሕበር እንዴ ከለቅከ ምስል እግል ትሸቁ ለለአተቅድር ክም ኢዐለ አብርህ።

አዜ ላኪን ምስለ ህለ እድንያይ ተቅዩር እንዴ ትሳኑ፡ ለናይ ቀየዶት ስትራቴጂየት ዲብ ፈሸል ሰበት መጸት፡ ድወል ከሊጅ፡ ዕላቃት እቅትሳደን ምስል ድወል ኤሰዩ ወላቲን አሚሪክ ሰበት ጠወረ፡ ብዕድ ሕርያናት እግል ለአትቃምተ ወዕላቃተን እግል ለአርሕበ ሰጅዐን ክም ህለ አፍሀመ።

ርኢስ ኢሳይያስ፡ ምስል ሐዲስ ተፍኪር ዕላቃት ናይ እለን ድወል እት ኖሰ ኖሰን ምን ገብኤ ወግጥሪህን መርበይ ሰኒ ጸብጣት ክም ህለዩ አትአመረ።

ትሕትየት አሳሰየት ታመት ክም ኢኮን፡ ንዛም ተዐለምን ዲብ አፍሪቀት አምር ወምህን ብቆዕ ለጸረ ሸባብ ከም ኢተዐወተ፡ ድብር ዲብ ሽዑብ መሐልከ ጋብኤ ክም ህለ፡ አጅኒትን እብ ቀለል እግል ልትሳሬ እበ ቀድር ሕማማት መይቶ ክም ህለው፡ አርዛቅን አሰክ እለ ልትዘመት፡ ዕ ም ለ ት ና መ እምበል ገበይ ቃኑን ትወስክ ክም ህሌት እብ ተፋሲል ሐቆ ሸርሐ፡ ለሓለት ናይ ሕበር ወአሳሲ ምስዳራት እግል ልትሳኢ ለልትሳኢ ክምቱ አፍሀመ።

ለአማን እላመ ምን ትገብኤ፡ አፍሪቀ አሰክ እለ እግል ትብጽሐ ለወጅብ ደረጀት ክም ኢበጽሐት፡ ሽዑብ ወሸባብ ዲብ እግል ልግብኤወ ለለሐዙ ደረጀት ክም ኢህለው ለሕበረ ወዚር ዑሰማን፡ ምን በረ ለልትሳወር ደግሸ ወሕሩባት እቡ ትትረበሽ ወትደመር ክም ህሌት፡ ክርን ሰላሕ እግል ትብዴ ከም መበገሲ ለበጽጥናህ ሰነት እምበል ተቅዩር ክም ሐልፈት ወድሐ።

እለ ህዩ ዲብ ናይ ሰያሰት፡ እቅትሳድ፡ እጅትማዕየት ዓዳት፡ ወአምን ናይለ መጽእ ወክድ ዕላቃት አግቡይ ወዐገል ሐዲስ ከም ጠልብ



አተብተ።

እት ደንጎበ ወዚር ዑሰማን፡ ለህሌን እተ ሓለት፡ እብሊ ገብኤ ልግባእ ምቅያሰ ከብቲ ክም አለቤ።” እንዴ አመንኩ፡ እግል አሰነዮተ ሐቀቆት ምራድ ገባይልን ለሰዴ ምስዳራት ሻፍግ ወዋጅብ እግል ልትሳኢ ክም ለአትሐዜ፡ ፈሸል ወመጋድዕት ናይ መንጠቀት ተናዚም እንዴ አርተዕነ ዲብ መግወት እቅትሳድ መንጠቀት፡ ሰላም ወአምን ለለኢደምዕ ዶር ክም ለህሌ እግለን እግል ልግብኤ፡ ወእብ ሰብ ጨቅዋ ካርጅ ወተአሲሩ ለትዐወተ እትሓድ አፍሪቀ ወራት አትሐሳሳይ አደቀባት ወአድምየትለ መዝመት እትሊ እብ ሸፋግ ልትባደል ለህለ እድንያይ ቴለል ናይ አውለውያት አውለውየት እግል ልትህዩኩ ክም ወጅብ ሸርሐ።

ውዛረት ሐርሰ፡ ማሕበር ጎማት ዐገል ዘርእ ትወዳ

ውዛረት ሐርሰ ዲብ የም 16 ፌብረዋሪ እግል ተዐዲል ዐገል ዘርእ ለከሰስ ወጠንያይ ማሕበር ጎማት ዲብ አስመረ ወዲት

አግደ ሀደፍ ናይ እሊ እብ ቅስም ከደማት ቀዋኒን ወመራቀብት ወናይ ሸቅል ሰብ ሸርኩቱ ለትነዝመ ማሕበር ጎማት፡ እብ ደረጃት ወጠን- ዘርእ ካፌ፡ ብቅዕ ወደማነቱ ለቡ እብ ገበይ ቀላል እግል ልትረከብ ለለአቀድር ዐገል ዐደሎት ቲ።

ሙዲር ዓም ቅስም ከደማት ቀዋኒን ወመራቀብት አሰይድ ተክለአብ ምስግነ ዲብ አስምዐየ ከሊመት፡ አስክ እለ ንትነፋዕ እቡ ለጸንሐነ ዐገል ዘርእ፡ ቀደም 20 ሰነት ዲብ ሰነት 2002 ለትኡተነ ሰባት ቲ፡ ምስል ወቅት ዲብ አርድ ለመጽእ ተቅደራት ወአግቡይ ዲብ አስነዮቱ ምነ ቀሰብ ጋራት ክምቱ ሸርሐ።

ጽበዋ ናይለ ተዐዲል ለገብአ እቱ ዐገል፡ እብ ወካይል ከደማት ቃኑን ወመራቀብት፡ መአሰሰት



ሐርሰ፡ ወቅስም ኤክስተንሸን ሐርሰ ክም ትቀደመ፡ ሙሽተርኩት እብ ረኣይ ወፊነ ረዘቀው።

ሙሽተርኩት ወመመቅረሐት ናይለ ማሕበር- ጎማት፡ ሀለዮት ዐገል ዋድሕ ዘርእ አህምየት ስትራተጅየት ክም ቡ እንዴ ሐበረው፡ ጸብጡ ምስል ወቅት ለገይሰ እግል ልግባእ፡ መታብዐት እግል ትግባእ እቱ ክም ወጅብ አትፋቀደው።

ወዚር ሐርሰ አሰይድ አረፋይኔ በርኔ፡ ህዩ ብቅዕ፡ ወደማን ለቡ

ዘርእ አሳስ አክዶት ቅዘእ ለብ ሙነት ክምቱ እንዴ ሐበረ፡ ለጸንሐ ዐገል ዘርእ፡ ክም መበገስ እንዴ ገብአ ክም ሸቀ እንዴ አትፋቀደ፡ እግል ልትሐደስ ወቅት ለጠልቡ ክምቱ ሸርሐ።

ወዚር አረፋይኔ እብ ተውሳክ፡ እብ ቴክኖሎጂ ለተላ፡ ምስል ሓለትነ ለገይሰ ብቅዕ ወካፊ ዘርእ ጠወሮት፡ ናይ ስትራተጅየት ወደሐን አህምየት ክም ቡ እንዴ ሐበረ፡ ለከሰስን ጅሃት ወሰብ መቅደረት እግል ልክደዋ እቱ ትፋኑ።

ምግብ፡ ፖሊስ እግል ደረሰ መሐደራት ለህይብ



ደረሰ፡ ዓፍዮቶም ወመስተቅብሎም ለደምር ወለፍ ምኑ እግል ሊሪዋ ወዲብ ድሩሶም እግል ልረክቱ፡ ቃእድ አወላይ መርከዝ ፖሊስ አቅሊም ምግብ

ካፕተይን ግርማይ ፍሰሐጽዮን ሊክ ቀደመ።

እት የም 17 ፌብረዋሪ መድረሰት ካልአይት ደረጃት እምበሀረ ወመአምብታይት

ወምግባይት ደረጃት አልአመል እትለ ወደዩ ሰሚናር፡ ካፕተይን ግርማይ፡ ፖሊስ ጀራይም ወዐገብ እብ ዓፍዮት ሰላም ወአምን እግል አድመዮት እትለ ወደዩ ጅህድ፡ ዶር መጅተመዕ እብ ዓመት፡ ፈዛዐት ደረሰ ህዩ እብ ፍንቱይ ምህም ክምቱ ሸርሐ።

መስኡል ዓፍዮት ጀራይም አሰይድ ፍጹም ካሕሳይ እብ ጀህቱ፡ ምን ወሬሕ ሰብተምበር አስክ ወሬሕ ዲሰምበር ናይ ሰነት 2022 ዲብ አወላይ መርከዝ ፖሊስ 43 ጀራመት ወ 296 ዐገብ ክም ትሰጀለ ሐቐለ ሐበረ፡ ዲብ ባንክት ሕሳብ ካፊ ለአለም ዲብ እንቶም ቸክ ለበትቲ 15 ሰብ መአሰሰት፡ ፋይሎም ዲብ ሙደዒ- ዓም እንዴ ሐልፈ ምስዳር ቃትኒ ክም ትነስአ እቶም አብርሀ።

ለመስኡሊን ዲብ ደንጎቤ ደረሰ ምን ብቅት ትራፊክ እግል ልድሐና፡ ዲብ መትነፍዮት ጽርግዩ እግል ልደገጎ ወዲብ ዐጀለት እግል ኢልትገርቡ ትፋኑው።

ግብለት በሐር ቀየሕ፡ እጅትማዕ መጅልሰ

መጅልሰ አቅሊም ግብለት በሐር ቀየሕ፡ “ክድም ትርድት እግል መዳፍዐት ወዐማር “ እብ ትብል ሰቅራት ዲብ የም 17 ፌብረዋሪ 19ይ ርቱብ እጅትምዑ ዲብ መዲነት ዐሰብ ሰርገለ።

ርኢስ መጅልሰ አሰይድ ዐሊ ኑር፡ እተ አስምዐየ ከሊመት፡ ምስል ተሐድያት ወመጋድዕት እብ መዓወነት ክሎም ጅሃት ለትሰርገለ ሸቅል እንዴ ሐመደ፡ እትለ ሰነት እብ ትወቀለት እግል ለአተላሌ፡ አንፋር መጅልሰ ዶርም ሚርሓይ እግል ልቀድሞ አትፋቀደ።

እተ እጅትማዕ፡ ዲብ መጃላት ተዐሊም፡ ዓፍዮት ከደማት ማይ፡ ሐርሰ፡ ዐማር ወመንገፎ እጅትማዕየት ናይለ ትሰርገለ ወራታት ተቃሪር ትቀደመ።

ከደማት ዓፍዮት እግል ልጠወር እብ ገብአ ጅህድ፡ እስብዳልየት ዐሰብ አላት ፊዝዮትራፒ ዋወር፡ ራጃ፡ ላቦራቶሪ ገብእ እተ ዲብ ሀሊ፡ ዲብ ክለን ዕያዳት ፊሐስለ ኢለዐዴ ሕማማት ክም አንብተዮ፡ ፍድኢት ወማዕየ ለአሳስ ነዳፊት ድዋር ህዩ ክም ዐቤት ትሸርሐ።

እግል አድመዮት መንገፎ እጅትማዕየት እብ ትሰርገለ ሸቅል፡ ዓይላት ግድዓት ወዓይላት ሹህደ እብ ማል ወመዋድ ሰዳይት ክም ረክቤ፡ መሻረከት ሸዐብ ዲብ በራምጅ ሕፍዘት ማይ ወትርብት ወሸቅየት ወአሰነዮት ዐግም ለልትሐመድ ክም ዐለ በርሀ።

እብ አሳስ ለተቃሪር፡ ዲብ 22 ድን ሱዱፍ ለዐለ ከራብ መሻርዕ ማይ እንዴ ሰነ ክድመት ክም አንበተ፡ እዳረት ማይ ለታብዐ ልጃን ዲብ ክል ድን ክም ተአሰሰዮ፡ ደራይብ ንዋይ ላኪን ክመ ልትሐዘ እግል ልትጀማዕ ክም ኢቀረ ተአመረ።

አንፋር መጅልሰ ዲብ ትቀደመ ተቃሪር ሐቐለ ወደው ህድግ፡ ደራይብ ንዋይ እብ ዋጅብ እግል ልትጀማዕ፡ መሻርዕ ማይ መራዐየት እግል ትግባእ እግሉ፡ መሻረከት አንሳት ዲብ ተዐሊም እግል ትዕቤ ዲብ ትነዝመ ዋዕለ ለሐልፈ ቀራራት ዲብ ፍዕል እግል ልውዐል ለልብል ወብዕድ ፊናታት ሓለፈው።

ሓክም አቅሊም ግብለት በሐር ቀየሕ፡ ሰፊር መሐመድ-ሰዲድ መንታይ እተ ቀደመየ ከሊመት ካቲመ፡ ሸዐብ አርት ከእብ መትነዝሙ ዲብ በራምጅ መዳፍዐት ወዐማር ለቀደመየ ዶር ወለኦርአየ መሻረከት ፋዝዐት እንዴ ሐመደ፡ እትለ ሰነት እለ እግል ልሰርገል ኢቱን ለህለ በራምጅ እብ ተፋሲል ቀደመ።

ዲብ እስብዳልየት ከረን፡ ናዙር ዕንታት እግል ልትሸቄ አስተብደ

እት እስብዳልየት ከረን ለህለ ቅስም ሕክምነ ዕንታት፡ ናዙር ዕንታት እንዴ አፍረ እግል መትነፍዐት እብ ለህ እግል ለሀብ አንበተ።

መስኡል ቅስም አሰይድ ካሕሳይ ሰዩም እግል ኡሪነ እትለ ሀበዩ ሐብሬ፡ መትነፍዐት ለህለ እግሎም መሻክል እብ ፍሐሰ ሐቐለ ተአመረ ለልትቀረር እግሎም ናዙር ምን ቅሩብ ወእብ ለህ እግል ልርከቦ ቃድራም ክም ህለው፡ እሊ ህዩ ለልትህየብ ከደማት ሕክምነ ዕንታት ሰዳይት-ዐባይ ክምቱ አፍሀመ።

እትለ ሐልፈት ሰነት እግል ዝያድ 750 መዋጥን ዕዉትት ዐመልያት ቅርሐት ቀበት ዕን፡ መስረዋ/ዐጭም ዕንታት ወኬፍራይ/ትራኮመ ክም ገብኡ፡ እትለ ሰነት ጎናመ እት ክል ሳምን ሐድ 45 ዐመልየት ወዴ ክም ሀሊ፡ ለትረከበት ሐብሬ አፍሀመት።

መሻክል ዕንታት፡ ምስል ርክሰ፡ ጠቢዐታይ መሻክል፡ ብቅት፡ ዕቢ፡ ወእት ገርብ ለጸንሐ ሕማማት ለትጸበጠ ክምቱ ለሐበረት በዐል መቅደረት ሕክምነ ዕንታት ሄርሚል ምስግነ፡ እብ ፍንቱይ ለእብ ነቃስ ነዳፊት ለተሉ ወምስል ለጸንሐ ሕማማት እንዴ ትጸበጠ ለመጽእ ሕማማት፡ መራዐየት ወመታብዐት ሰኔት እንዴ ወዴክ እግል ትራቅቦም ክም ልትቀደር አፍሀመት።

እት አቅሊም ዐንሰቤ፡ እብ ብዝሐ ለልትርኤ ሕማማት፡ ግላኮመ፡ ቅርሐት ወርክሰ ክምቱ ልትሐበር።

ለሰብ ምህነት ዲብ ደንጎቤ ደወ ግላኮማ ክመ እት ገርብ ለጸንሐ ሕማማት ጨቅዋ ደም ወስከሪ ትሉሉይ ወእብ ለህ ለልትህየብ እብ ገበይ እግል ተሀሊ፡ መጅተመዕ ህዩ ሰራይ ግሉላት ምን መትነፍዮት እግል ልትሐፈዝ ወእብ ሰብ-መቅደረት ለኢትቀረረ ናዙር ዕንታት እግል ኢልትነፋዕ ትፋኑው።

ቅስም ሕክምነ ዕንታት ከረን፡ ምን አቅሊም ዐንሰቤ፡ ክምስልሁመ ምን ገሌ ክፋላት አቃሊም ቅብለት በሐር ቀየሕ ወጋሽ-በርክ ለመጽአው ከደማቱ ለህይብ።

ጸረተርዮ፡ጸላክ

ክል አርቡዕ ለትጠ'በዕ ጀሪደት

መዳልያይ፦
- መሐመድ እድሪስ

ለይአውት ወአርተዖት
* ዘሀረ ዐሊ
* ፋዋነ አድም

ተለፎን፡ 121797/07121322
ፋክስ፡127749፡ ዕ.ሰ.ቡ፡ 247

ተውዝዕ ጀሪደት፡
ተለፎን፡ 200454

አትአመሮት፡
ተለፎን፡ 125013፡ ዕ.ሰ.ቡ፡ 1284

3ይ ክፈል

ሸሀሪዛድ፡ “ሓይሰ መልክ፡ ዎሮት እናሰ ራክብ በዐል ማል ወጀህ ዐለ ልትብህል።


ሐቲ አምዕል ሰፈር እሙም እት እንቲ ፈረሰ፡ እንዴ ትጸዕነ ምነ መምለኩቲ ፈግረ ልትብህል። ጸሓይላ አምዕል ለሀ እሉ እግል ተአጅግሕ ስትትት ለሀሌት እት መሰል፡ እብ ሃባተ ወካቤተ ለብለበቲ። ገርቡ ክምሰል አትናደደት ምነ፡ ምነ ጸሓይ እት ለሃፍት ወእት ለዐልጅ እት ሐንቲ ሐቲ ዕጩት አጽለለ ምነ ልትብህል። እግለ እዳሁ ህዩ እተ ከርጁ እንዴ ሎሽየ ክሰረት (ሕበዘት) ወተመር አፍገረ ምነ። ወምኑ እት አፋሁ ለወውሽ ወደ። ክምሰል ጸግብ እግለ ውላደ ተመር ሞገረየ ምነ። እሊ ሰድ እሊ ፈጅአት ዎሮት ጅን (ዕፍሪት) አቅመተ። ነሐር ገዜፍ ወብጥረት ረያም ወሰይፍ እት እዳሁ እት እንቲ ጀፈረ ታጅር ቃርብ እት እንቲ ረአዩ፡ ፡ ለታጅር ድንገጽ እት እንቲ እብ ክእኒ ትባለሰዩ። “ቀገጽ ወለትሰረረተ እግል እቅተለካቲ። ክምሰለ እንተ እግል ውላጄ ቃተልከህ” ቤለዩ። ላመ ታጅር ንዩቱ ሐጫር እት እንተ “ሚ ወዴክ ክምሰል ወልክ ቀትልኮ ትትባለሰኒ ለሀሌክ” በልሰ እቱ እብ ጀሀቲ። ወልዩዲ እብ ውላደ ተመር ለእግሉ ትዋግር ዐልክ እት ነሐሩ ዘበጥካህ (ሰር ዕምሩ ዘበጥክ) ወእብለ ቃትሉ ህሌኩ። እተ ሳዐቱ ህዩ ሞተ” ቤለዩ።

ለእናሰ ለታጅር ሰኒ ድዮዕ ወፈርሀት አትዩቱ እት እንተ ምነ ረአየተ ጅን ወለ መብህሉ፡ እብ ክእኒ በልሰ እቱ፡ “አነ ዴን ብዲብዬ ወማልዬ እት ክል አነን ሰርቲክ ህሉ፡ አዜ ውላጄ ወእሲቼ እግል እወጀህ ወአትባገሰ ወክል ዎሮተ ከሐቀ እግል ሀቡ በክት ሀበኒ፡ ወክምሰል እመጸክ ህዩ ገለድ አቲ እግልኩ። እለ ለእግለ እብለክ ህሌኮ ህዩ ረቢ ኖሱ ደልዩ” ቤለዩ።

ላመ ጅን ህግያሁ ሰምዕ ሐቀሰ ጸንሐ በክት እንዴ ሀበዩ ለታጅር አሰክ ዐዱ ጌሰ ወቲለሉ እግል ዐዱ ዳገመዩ። ወዴኑ ፈደ ወትፈደ ወማሉ አትዋረሰ። አንሱ ወውላዱ ወጃሩ ህዩ እብ እግሉ ሳደፈ አከይ ቲለል እብ ብካይ ወመውራታት ሳርሐው። ሐቆ ዎሮት ሐል ህዩ። እብ ምሰለ ጅን ጉሉደ ለዐለ ገለድ፡ ከፊት ሐንቲ ህብጡ እንዴ ሎሽየ አሰክለ ጅን አቅበለ። እተ አነን ዕድሞም እተ ጃርዲን ክማም ገብእ እቱ። እለ አምዕል እለ ህዩ ተማም ሰነት ቀዲመት ወእትዩት ሰነት ሐዳሰ ዐለት ልትብህል። ለታጅር እት በኩ፡ ዎሮት ሼክ ሾከን እብ እንዴ ሰለሰል አሰረ መጽአዩ። ክእኒ እት ልብል ህዩ ትሰአለዩ፡ “ሃልካቲ? እንተ መልሀይ እብ በይንክ እትለ ምንዲ ትገሌከ? እሊ ለእቱ እጅሉሰ ህሌክ ህዩ መሳክብ ወመእወ ጅኑን ቲ። የሀ ቃዊ፡ ተአምር ማሚ?” ቤለዩ።

ላመ ታጅር ቲለሉ ደግመ እግሉ። ለሼክ እግለ ቲለለ ታጅር ክምሰል ሰምዐ እብ ክእኒ በልሰ እቱ፡ “ወላሂ ሸእ ናይክ ሸእ ክቡድ ወሸኩፍ ቲ። አናመ ሐቆ መዳግምክ ክምሰል እሊ ለህለ ቲለልክ እንዴ አደሌኮ ይእገይሰ ምንክ” ቤለዩ ወምሰሉ ትገሰ። ለታጅር አዜመ ምን ፈርሀት ወመሻቀለት ኢትነጀ። ወለሼክ እት ጀፈሩ ትጌሰ። ካልአይ ሼክ ተለው ቤለዩም። ምሰሉ ህዩ ክልኦት ክልብ ሽልሓም ጸላይም ዐለው። ሐቆ ሰላም ትራባለሰው እብ

አልፍ ለሊ ወለሊ



ሰቡብ መትገሳዮም እትለ አነን እለ ወሀተ መስከብ ናይ ጅን ክምሰልተ እብ ትሰአለዮም። ለካልአይ ሼክ እንዴ ኢልትገሌ ወተዩልሎም እግል አድሕድ እት ዳግሞ፡ሳልሳይ ሼክ በቀል እት ዋሌ ተለው ቤለዮም። ህቲመ ክምሰለ ቀደሚሁ ማጽአም ለዐለው አንፋር እብ ሰቡብ ምግሳዮም እትለ አነን እለ ትሰአለዮም። ህቲምመ እግለ ቅሶት እብ ከማለ ደገመወ እግሉ።

እትለ ወክድ እሊ ፈጅአተን ጊመት ለትመሰል ሰረፍራፊት እብ ጽልመተ አብሀዘት እቶም። እት ፈርሀት ኩሩያም እት እንቶም ምነ ቀቡተ ጊመት ለጅን ህቲ አብሀዘ እቶም። ዕንታቲ ሰረር ልትናፈር ምኑ ሀለ እት መሰል ወሰይፋ ሓርጥ እት ሀለ ተለው ቤለዮም። እግለ ታጅር ህዩ እብ ክለ ሐሊቱ ምነ ምግባም እብ ሐሊት ሸክኮ ሰሐበዩ። እብ ክእኒ ህዩ ትባለሰዩ፡ “ክምሰለ ወልዩ ወሰመረት ፈኣጄ ለቀተልክ አናመ እግል እቅቡተካቲ” ቤለዩ። እሊ ወክድ እሊ ላመ ሰልአሰ መሻይክ ሰኒ ድዩግም እት እንቶም፡ አፍኝቶም እት ልትወዴ ወዕንታቶም እት በኬ እት አድሕድ ሐነን ቤለው ክምሰል ዐጣል እት ነዋይዱ ዓይር። ለሰልፋይ ሼክ እንዴ ቀንጸ እተ እዴለ ጅን እግል ሰዕመት ረጅ ወክትል እት ደንጉ። እብ ክምሰል እሊ ተሐሰበዩ።

ሓይሰ በዐል ሺመት ወዐግል መልክ ጅኑን መዳግምዬ ምሰል እለ ቀዛለት (ሾከን) ምንዲ እዳግም እግልክ ቅሶቼ ወአትፈክረተክ ወትዐጀብክ እብ መሰለኒ። እትለ ሰልአሰ እዴ ምን ደሙ ወአድመንከኒ ገብእ”? ቤለዩ ከእግል ረጅ ወሐሰብ እት ሐንቲሁ ደምኦ እግሉ። ህቲመ መዳግምክ ክምሰለ እግለ ትብል ለሀሌክ ዐጂብ ገብእ ምንዲ ርከብ ኢትሰአን” ቤለዩ።

ላመ ሼክ ሕካዩቱ እግል ልዳግም ክርንቱ ሐሳሐሱ ወእብ ክእኒ ተዩልሉ ምሰለ እግለ እንዴ ዋሌ ለመጽአ ሾክነት ዳገመ እግሎም። “እለ ሾከን ለእግለ ትርኢ ለሀሌኩ ሕቼ ወለት አቡዬ እብ ሞላድ እንዴ ትገብእ እሲት ሐላልዬ ወልሳሰ ላሊዬ ወጀህ አድሓዬ እግል ትግብእ ለሐፊኮህ ቲ። እንዴ ኢትወልድ ህዩ ሰላሰ ሐል እግሎም ምሰል አዱርግ። ሐቆ እለ አነ ካልእ አመቼ ለዐለት እሲት እግል ህዴ ትቀሰብኮ እብ ሓዚ ውላድ። እለ ለእግለ ሀዴት እሲት ሕጻን ትብከረት ምንዬ ወአሰናይክም ትብህልን ምሰል። ሐቲ መደት አነ እብ ጋርዬ ልግበእ ወክሰሰየት ሽቅልዬ አሰክ ካልእ መዲነት ሳፈርኮ ወእት ግራዬ እለ ለአዜ እት እዋልዩ ማጽአ ለሀሌኮ ሾከን ስሕር እንዴ ትዐለመት ጸንሐተኒ። ከእግለ

ወልዬ ወለ እሲቼ ቅያር በልሰቶም። እግለ እሲት ለምነ ወለድኮ ወኦት ወእግለ ሕጻን ህዩ ለገ ቀየረቶም። እግል በዐል ንዋይ እንዴ ሀቡቶም ህዩ እት አነን ርዕዮ ነድአቶም። አነ ክምሰል አቅበልኮ ምን ወልዬ ወእሙ ክምሰል ትሰአልኮህ፡ አመትክ ሞተት። ወልከ ሀርብ አዩ ክምሰል ጌሰ አነ የአምር” ቲለኒ። ሰልአሰ ሰነት እብ ልብዬ እት ሐዝኖም እቶም፡ ወእብ ክልኤ ዕንቼ እት እበክዮም ክልኦት። ሐቆ እለ ሐቲ አምዕል ዐረፈ እግል ናይዬ ተላይ ወኦት ሕውዝት አምጸአኒ እቤሉ። ወሀቲመ ክምሰለ እግለ ብህሉ ዐልኮ ወደ። እለ ወኦት እለ እግል ሕረደ ክልኤ እዴዬ ትሻመክኮ ከመጽአኩው። ክምሰል ቀረብኩው ክልኤ ዕንተ እብ ብካይ በጠር አበዩ። አርወሐቼ አርዳይ እብ ሰቡት አቤት እግለ ተላይ እንዴ ትላኬኮ ሐርደዩ እግልዬ። ለሕውዝት እት እንተ ለተሐረደት ወኦት ዓጭሞታት ሌጠ ገብኦት።

አዜመ ለገ ሕውዝ እግል ለአምጽእ እግልዬ ትሰአልኮህ። ህቲመ አምጸ እግልዬ። ላመ ለገ ክልኤ ዕንቱ እት በክዩ እብ አትራሐዋት ክምሰል ወድ ሚን አደሚ እት ለዐሎብዋ ትከሰለኒ። አናመ አርወሐቼ አርዳይ እቡ አቤት እግልዬ። እብለ እግል እዘም ምኑ ትጀበርኩ። ለተላይ እንዴ በልሰዩ እብ ካልእ ወኦት እግል ልምጸአኒ አሰአልኮህ። ለተላይ እግለ ለገ እተ ሸፍር በልሰዩ። አሰረ መውዕላዩ ህዩ እተ ቤት አተ እቶም። ለወለተ ተላይ እግል አቡሀ ክምሰል እሊ ትቤ፡ እሰልፍ ገጸ ገልበበት ምኑ ወሐር ትሰሐቀት ወበኬት ከአቅመተቲ። እሊ ሰድ እሊ አቡሀ “ሃልኪቱ? አፎ ትገላብብኪ ወበኬኪ ወትሰሐቅኪ? ቤለዩ። “እንተ ሚ ገብኦክ እናሰ ጋነ እቡ ምንዲ መጸአከነ” ቲለ። ህቲመ እብ ጀሀቲ እተዩ ሀለ ጋነ እናሰ” ቤለዩ። “እሊ ለእቡ ማጽእ ህሌክ ለገ ወለ እናሰ ለታጅር ለንዋዩ ነአውዕል ህሌናቲ። እሲት አቡሁ እንዴ ሸሐረቲ ቲ ለሰራቲ ትቀየረት። ለአትሰሐቂኒ ጋር እግሉ እግል ልሕረዱ ክምሰል ሐዘ አርወሐቲ ወድህ እግሉ አቤት። ወለ አብኬኒ ህዩ፡ እግለ እሙ ሐርደዩ ምኑ” ቲለ።

አዜመ ለተላይ አሰክለ ራክብ እናሰ አቅበለ። እብ ራክብ ለዐለ ብሻረት ዳገመ እግሉ። ለታጅር እግለ ጅን ክእኒ ዳገመዩ እግሉ፡ “ለተላይ እንዴ አቅበለ ሐቆ ክልኤ ነፃር ክለ ፍንጌሁ ወፍንጌ ወለቱ ወለ ለገ ለሐሰለ ተዩልል ዳገመዩ እግሉ። “አነ እሊ ሰድ እሊ እብ ፈርሐት ከበር ቅርጢዋ ገብኦኩ፡ ፡ ላሊ አትዋግረ ሐቆ ትመዩኮ ጽብሕ ምድር አሰክ መስከብ ንዋይዬ ግሰኩ።

ወለ ወለተ ተላይ ምሰለ ትዋጅሀቲ። ህተ ህዩ ስሕር ምን ሐቲ እሲት ዐባይ ክምሰል ተዐለመቲ ደግመት እግልዬ። እግለ ወልዬ ህዩ እተ ሰራቲ ለቀዳሚት እግል ትብለሱ እግልዬ ትሐሰብኮህ። ምነ ሐንቲ አቡሀ ልትወዐል ለዐለ ንዋይዬ ወዝያደት ምኑመ ምንዲ ትትሸከህ እግል ሀብ ክምሰልቲ ደገምኮ እግለ። ለወለትለ ተላይ ላኪን እት ማላት ወንዋይ እንዴ ኢትትገህፍ ሸንህተ ለእግሉ እት ሰራቲ ቀዳሚት ለትብልስ ወልዬ እሲቲ እግል ትግበእ ክምሰልቲ ሸንሂተ አሰአለተኒ። “ርኬብ” እቤሉ። ማይ እት ጢሾ እንዴ ወዴት ትቀርእ እቲ ሐቆለ ጸንሐት። እግለ ለገ እተ ሰራተ በዲርክ ረቢክ ካልቀ ለዐለ ሰራት አቅብል” ቲለ። እብ ቅድረት ረቢ ወለ እራደቱ ህዩ አቅበለ። እግለ ሰራት ወልዬ ወእሙ ቅይርት ለዐለት እሲቼ እግል ትሰሐረ ክምሰልቲመ አሰአለተኒ። ላመ እግል ወልዬ ወእሙ ስሕርት ለዐለት እሲቼ ክምሰለ ህተ እግሎም ወዴተ ማይ ስሕር ሀብተኒ እግለ ወእት ሰክብ ህዩ ክምሰለ ወዴተ እግለ ለገ ወዴኮህ። ረቢ ልነጃክ ምነ ህዩ እላተ ሰራት ትቀየረት። አዜ እሊ እግለ ትርኢተ ሾከን ገብኦት” ቤለ ከደግመ እግሉ። ለደግም እንዴ ኢተምም አርድ እግል ጽብሕ ምድር አትባርሀ። ሸሀሪዛድ “ግድም ረቢ አዝመ ምንዬ ምንዲ ገብእ ውሓይሰ መልክ ሳምሐኒ ምንዲ ገብእ ፈጅር አተምም እግልክም” ቲለም። መልክ ሸሀሪዛድ እግለ ተማመ ቅሶት ልሰመዕ ትረመጩ። “ወላሂ ትግበኦኒ እግል ይእቅተለኪ ደንገበ ድግምኪ አሰክ ኢሰምዐኮ” ቤለዩ።

ላመ ወዚሩ አብሀ እግል ሸሀሪ ዛድ ከፈን ወለቱ እት ሐንቲ ህብጡ እንዴ ወደ ክማም ገብእ እቶም ጽብሕ ምድር። ሐቲ ልብ ተአብዩ ላኪን ኢሰምዐ። ሐምዴሁ እግል ረቢ እት ወዴ ወዐለ። መልክ ሸሀሪዛድ ላኪን ደንገህህ ድግም እግል ልሰመዕ መዓለ አምዕል እለ ሰኒን ገብኦ እቲ።

ድናር ዛድ ንኢሽ ሕተ እግል ሸሀሪ ዛድ ቲ። “ድግምነ አትምሚ እግልነ” ቲለ እግል ሸሀሪ ዛድ ሕተ ላሊህ ሓራት። ሸሀሪ ባርመ ድግምኪ አትሚመ እግልነ” ቤለዩ። ሸሀሪ ዛድ እንዴ አትሌት ህዩ፡ ሓይሰ ወሕሹም ዓድል እት ሕክሙ ወፍርዱ። “ለጅን እብ መዳግመለ በዐለ ሾከን ታጅር ሰኒ ትፈከረ። እት ልትዐጀብ ህዩ እግለ እግል እደመኑ ብህል ለዐለ ሼክ ለእግል መሰለስ ምን ድሙ አተድመዮ” ቅሶትክ ዐጂብተ ዎሮት መሰለስ ምን ደሙ እግሉ እድሙንክ ህሌኮ” ቤለዩ።

“አዜመ ለዶር ናይለ ሼክ ለበዐለ ክልኦት ክልብ መጽአ። እንዴ አትለ ህዩ ሕካዩቱ ደግመ እግሉ፡ ቤለዩ። “ሓይሰ ወሹም መልክ ጅኑን ወበዐል ገጽ ጅኑን። እሉም እግሎም ትርኢ ክልኦት ክልብ ሐውዬ ቶም። አቡነ ትወፈ ወማል ሰኒ ብዘኸ ሐድገ እግልነ። ምነ ማል ለምኑ ወረሰናሁ ድካን ፈትሐነ ወርቢሕ ሰኒ ልትሐመድ እግሉ ረብሐነ። ሐቆ እለ ለዎሮ ምነ ሐውዬ እግል ዝያደት መክሰብ ምሰል ትጃር ሳፈረ። አነ ህዩ እተ ድካንዬ ጸንሐኮህ። ህቲ ላኪን እብ ክልኤ እዴሁ እብ ሃለን አቅበሌኩ። አናመ እንዴ ይትብኦስ ምሰሉ አልበስኩሁ ወአብሸርክ እቤሉ። ሐቆ እላመ አነ

እግል እሳፍር ሐውዬ አጅብረው እቼ። አነ ላኪን አቤ እግሎም ዐልኩ። እብላነ ሐድ ሰስ ሰነት እት ደካኪነ ሸቂነ። ርብሕ ለልትሐመድ ረብሐነ። እምበለ ረአሰ ማል ህዩ ሰስ አልፍ ዲናር ገብእ እግልነ። መክሰብክ አክል አሕድ እት ሰልአሰ አነን ካፈልናሁ። እግለ ሰልአሰ አልፍ ሐት ሐቲነ አልፍ እንዴ እነእኒ። ለሰልአሰ አልፍ ህዩ እት ሐንቲ ምድር እግል ንድፈኒን መከርክምም። ዝሕረት እግል ልግበኦ እግልነ። እግል ወቅት ሰድት ወመሐገዝ ገብኦ እግልነ እቤሉም። ምን እለ ወሐር ህዩ መራክብ ትዛቤነ ወእቡ እት እንሸቂ ማላትን በዝሐ። አዜመ ሐውዬ እግል እሳፍር ቀሰበውኒ። አነ ላኪን ምራጄ ይዐለ ለሰፈር። አልምህም ሳፈርነ ወእተ እግሉ በጽሐነ ምድር ሰኒ መክሰብ ከሰብነ።

ሐቲ አምዕል ህዩ እት ግንራራብ ናይለ በሐር ሐቲ ወለት ሉለት ለትመሰል ግርመተ ምሰል ግርመት ወበርሀት ወፊሕ ለትትጃገር፡ ልባሰ ባሊ ወርሶሕ ለላብሰት እግለ ፊኦኩ። ህታመ እግል ሰላም እዴህ እት መጤ። እግል ስዕመት ህዩ እት እዴይ ደነት እግልዬ። እብለ ሰአል ህዩ ትሰአለተኒ። “ሓይሰ ሰብ!!” እሕሳን ወሰኔት ሓዝዩት ምንክ ህሌኩ። ሰኔት ወእሕሳን ለወዴ ህዩ ሰኔት ረክብ ወጀዘ እሕሳን ረክብ” ቲለኒ። “አናመ ሰኔት እግል ዊድያየ ሰኔት ቲ” እቤሉ። ምራደ እግል ተአሰእሰኒ ህዩ አተንሴኮህ።

ንዩተ ህዩ ክምሰል እሊ ዐለት። “ምሰልክ ንሰኦኒ ወሀዴኒ። እብ ረቢ ለአመንኮ ወርሳለት ነቢ ለትከበትኮ ምእምነት አነ” ቲለኒ። እብለ ህዩ ምሰልዬ አሰክ ዐጄ ነሰኮህ። እብ ፍቲህ ህዩ ላሊ ወአምዕል ምን ጀፈረ ረዩም አቤኩ። ትጃረትናመ እብ ዕጹፋት ወሰከት። ሐውዬ እብ ቅንእ እቼ ሰኮብ ላሊ ወፊያገት አድሐ አብ እግሎም። እት ደንገበ ህዩ ምክር ሼጣን እንዴ ሰምዐው እግል ቀትልዬ ገመው።”

“ላሊ ሐቲ አነ እት ሕቅፍለ ሉል ወጅውሀር ለትመሰል እሲቼ እት እሰክብ፡ እንዴ አትሀመለውኒ መጽአው ወእት በሐር ወግረውኒ። ለምሰለ እሰክብ ለዐልኮ በዐል ቤቼ ቀንጸት ወእተ ወቅተ ጅንዩት ትቀየረት ወእግልዬ እንዴ ይእመዶት እት ጀዘረት ሐቲ አንገፈተኒ። እንዴ ጌሰት ምንዬ ህዩ እብ ሰራት ወድ ምን አደሚ አቅበለተኒ። አነ እሲትክ አነ ምን ከይነት ሐውክ እግል አንግፈክ መጽአኮ” ቲለኒ። “አዜ ህዩ ለእግል ሞትክ ለሐዘው ሐውክ እግል እቃትሎምቲ” ቲለኒ። አነ ህዩ ሞት ወድ እሙ ለለሐዜ ሰበት ይሀለ አቤኮ እግሉ። ህታመ እብ ቀቲሎም አትፋርሀተኒ። ክሉ ክሉ ምክር ሼጣን ሰምዐው እንዴ ኢኮን ህቶም ወኢወደው እቤለ ወአቤኮ እግሉ።

ጽብሕ ምድር ክልኦት እሉም ክልብ እሱራም እት እንቶም እቶም ፈዝዐ። እሊ ሚ ቲ? ምንዲ እቤለ እሉም ለሐውካቶም ሕቼ ህተ እግል ዐሰር ሰነት ቅያር በልሰቶም” ቲለኒ። ሓይሰ ሹም ጃን አዜ እሉም እግሎም ትርኢ ቶም። አነ ህዩ እግል እሊ ታጅር ለቅሶቱ ክምሰል ዳገመ እግልዬ እብ ሚ ክምሰል ትፈርዱ እግል እሰመዕ ምሰሉ ትገሌኮ” ቤለዩ። ላመ ሹምለ ጅኑን “ድግምክ ዐጂቦት ቲ ሰልሰ ድሙ እድሙንክ ህሌኮ” ቤለዩ።

መቃበለት ርኢስ ኢሰያስ

ሰአል፡ ምስል እሊ ለልትጸባዮ እት ተየልል ኡቶብዩ ልግበእ ወእብ ዓመት እት ናይ መንጠቀት ወእድገዩ ተእሲር ትወዲ ለጸንሐት ሲያሰት አሚሪክ ወሰብ-ሸርከተ እቱ ለተንከበት መሐልካይ ላዋሽ-እደይ ተ። እሊ እተ ሐልፈ ሰር ክፈል ዘበን ወእብ ፍንቱይ እተ ሓርያት ሰለስ ዑቅድ (Decades)፤ መደምራይ ዶር ክም ዐለ እሉ ሸክ አለቡ። እዚ እትለ መርሐለት ሐዳስ ወናይ መትዐደደት፤ ዋሺንግተን ሐዳስ ዐስር ሰነት ለትአሸቅዩ ስትራተጅዩት አምን ዐለም ስትትት ህሌት። እሊ ሐዲስ ስታቲብ እት እድገዩ ወመንጠቀት ሚ ተእሲር እግል ለአምጽእ ቱ ትብል?

በሊሱ፡ እተ አሳሰ ምን ነአቀብል፡ እት መደት ሐርብ ብሩድ፡ ቀደሚህ ወግራሁ፡ እት እዲን እግል ሚ ቱ ሰላም ተአማድድ ለይህሌት ለልብል ሰኣል ቱ ለበድር። ሰበቡ፡ ወእትሊ እዚ እምጽአሙ ለህለው ወሳይቆም'መ ምን ገብእ ለሀገጊቱ ወዘያታቱ እት ባድሎ፡ እግለ ተፍኪር ለቀዳም ለአትሳነው እት መሰሎ፡ እት ምግቡ ለልትቀረእ አሰጡር ሸግረት እት ለኣቱ ሚ ሐዳስ ብእቱ፡ ወየምክን ቀየረው ገብእ? እንዴ ትቤ ረኤካሁ ምን ገብእ፡ አሰል ናይለ ተፍኪር ወሲያሰቶም በታተን ለልትቀየር ኢኮን። ሰበቡ ህይ፡ እት ካቲመት ናይ ሐርብ ብሩድ፡ እግል ኦሮ ቅጥበ እዲን (ዩኒፖላር) ለልቡሉ ንዛም እግል ንፍጠር ቱ ዶል ቤለው፡ ተፍኪር ሐዲስ ኢመጽእ። እተ መደት ሐርብ ብሩድ፡ እት ፍንጌለ እብ ሶቪት ለትትመረሕ ሐረት ወፍንጌሆም እበ መጽእ መጃገራት ወድድያቱ እበ እለ ሐዜነ ምን እንፈሰሩ፡ ናይ ጠባይዕ ዐለ እሉ። እሊ ጠባይዕ እሊ እግል ሚ ቱ ዲብ ናይ በርጠጠዕ ተየልል ናይ ኦሮ-ቅጥቡ ተፍኪር ተዐደ፡ ወህቱ እትሊ ለሐልፈ ሰላሰ ዑቅድ ለአምጽእዩ መሻክል ህይ ሚ ቱ ወግረ እለ መርበዩ አሰክ አያ ቱ? ትቤ ከሐሰብካሁ ምን ገብእ፡ ለአግደ ፍክረት፡ እብሊ እዜ ለመጽእ ተሐርካት ሩሰዩ ዶል ትጌምሙ፡ ለጠባይያም ሚ ክም መሰል ግረ እት ታሪክ እግል ንትወለቡ ብኸ። እትሊ አሚሪክ ለልትባህል ጆግራፍ ለዐለው አሰል ቀዳም ለቦም ገባይል ዮም ህለው? ኢህለው-አሰረተምም። እት ከናደ ዮም ክእነ ትረከበ ዶል ልብሎ፡ እግል ቀባይል ቀዳም ምድሩ እግል ትዝመት ተአበድዩ። እሊ እት አሚሪክ እብ ከአፎ ትጠወረ እንቤ ምን ገብእ፡ እግል ዘማቱ ቀባይል ትውሑ -ከመስከቡ ብራቁ ትወድዩ። ብዕድ ክም ሐግለው፡ እሊ በሰር በደ እቡ ገባይል አፍነው ወአሰርም ጨርሐገው ከአርዶም ጸብጠው ምናም። “ለምድር ናይ ምን ቱ ወሰብኡ አየ ረትዐው?” ትቤ ምን ገብእ፡ ‘ኢህለው

-ፈነው'ልብሉኩ። ሐቆህ ለምድር እግል ለአግሙሉ ዶል ትብገሰው ህይ፡ አግብር አትሐዘዎም። ምን እሊ ኩሉ አግብር አፍሪቀ፡ ዲብ ምሒጥ አትላንቲክ ለተርቀ ወእብ ሕማም ለከምደ፡ ምኑ ለተርፈው ዮም 20 ምእታይት ለገብአ ጸላይም ውላድ አሚሪክ አግብር ቶም ለዐለው። ለሐርስ እቦም ቱ ለትጠወረ -እለ ህይ ዓደቶም ተ። ግብርነት እት አሚሪክ እግል ስኒን አተላሌት። ለገብር ዐለው-መ ሐ-ዳም ዛልማም ወዜምተት ዐለው።

እሉም ለአሰበቀዉ ንዛም፡ ሐፊ ዲበ መጽእ አንዝመት ተጠውር ወስናዐትመ ምን በረ ገብር ወእብ ረኪስ ለሸቄ እግልከ ተአመጽእ እቱ። ለአሳሰ ቃናሆም ህይ መግህም ውሓዚ ኢናይካ ተ። አግብር እሉም ተአሸቄ፡ ትዘልም ወትዘምት፡ እሊ ህይ እግሉም ልሙድ ሸይ ቱ። እሊ እዜ እት 21ይ ክፈል-ዘበን እንርእዩ ለህሌነ ንዛምም፡ ምን ናይ



19ይ ወ20 ክፈል ዘበን እብ ሚ ልትፈንቱ? ክእነ ለወደው አሚሪካ ቶም እንዴ እንቤ እግል ንትሃጌ አለብኸ፡ አሚሪክ ዶል እንብል ሸዐብ ወምድሩ እንብል ሰበት ህሌን፡ እሉም እዲነ ሰላም ካልኣም ለህለው ሐ-ዳም ቶም። እብለ ወእብ ሎህ ላኪን፡ እተ ወክድ ሐርብ ብሩድ መደቶም ሰበት ሀቡቶም፡ ዐመው። ለልትዘመት ዲብ ዘምቶ፡ ወለልትጨፍለቅ እት ጨፍልቀ ሐድ ኢዐመው። ናይ ሼትናም ውብዕድ አምሳል እግል ንህደግ እንቀድር። እለ ዓደቶም ተ፡ ተፍኪርም ቱ። ብዕድ ቃነ አለቦም። እት ኢምድርክ ትቀትል፡ ትዘምት፡ ትዜርን ወክም ምራድከ ትወዳ። እለ ዓደት እለ ዲብ ዓጭምም ሰብቀት። አከይ አመል ህይ ኢልትቀየር። ለወክድ ሐርብ ብሩድ ምሽክለቶም ሌጠ ኢዐለት፡ ሶቪት ትትባህል ለዐለት ሐረትመ ናየ መሻክል ሰበት ዐለ እል፡ ጎርባቾቭ መጽእ፡ ወደርቡመ

ለዐለው፡ ታቸር፡ ፊጋን እት ለአግቅዶ እሉ ወለአትቀጥጥር እሉ፡ እግል እትሓድ ሶቪት ፈረትክ ወደዩ። እሊ ህይ እግሉም አሰከረዮም። ለኦሮ-ቅጥብ ምን አየ አምጽአዉ እንቤ ምን ገብእ፡ ምን ሐርብ ብሩድ መትጃግራይት ሰበት ተ፡ ሶቪት ለልትባህል ምድር ትፈራተክ ምን ገብእ ህይ ሐቆህ ለእዲነ ናይና ተ፡ እግለ መጽእ ለህለ ክልኦት ሰለስ አጅያል እግል ንራቅባ ቱ። ለልትጃገረን እግል ለህሌ አለቡ፡ እብ እቅትሳድ ለልትጃገረን ኢህለ፡ እብ ቱክኖሎጂ ወዐስከርየትመ ለልትጃገረን እግል ለህሌ ኢኮን፡ እት ጅግራነ ለቀንጸ ህይ ነሐንቁ፡ ለሐድ (ለኮንተይንመንት)ምናቱ ለአምጽአዉ። እሊ እግል አተላላይ ናይለ ዓደቶም ለመጽአቱ፡ እት እዲነ ሰላም ኢህሌት፡ ወለሰብብ ኩሉ ህቶም ቶም። እሊ ኩሉ ርበሽ እት 20 ክፈል ዘበን ወእዜ ለህሌናሁ ሰበቡ ምናም

ቱ። ለአኬት ህይ ምስል ካቲመ ሐርብ ብሩድ፡ ህቶም ኢትገሰው፡ ለብዕድ ድወል ሰበት ራቀብናሁ፡ ክብ እግል ሊበል ለሐዘ እግል ልትህጨቅ ብእቱ። አርዛቅ ዐለም ትዘምት ወእዲነ እት ሀገግም እንዴ ካፈልካህ ኖሰኖሰ ሕድ ክም በሌዕ ትወድዩ ወተአስተዕምረ።

እሊ ሐዲስ ወሳይቆም ህይ፡ ምን ናይ በዲር ፍንቱይ ጋር ሚ ብእቱ ዶል እንብል፡ ‘ጅግረ'ለትብል ቃል ብእቱ። ህቶም ጅግረ ኢለአምር። ጅግረ እግል ለአክልጦ እበ ምን ሐዘው ቱ ድኢኮን፡ ለናዮም ጅግረ ዜር ክእሉል ቱ። ንዕኖ ንትጃገር ልብሉክ ወሐር እግል ኢትብደርም ሕልክ ከሩ እግልከ ከለአወድቁከ። እሊ እዜ ክቱብ ለህለ ውራቅ ሐበት ፋእደት ወተቅዩር አለቡ ዲቡ። እብ እሊ 30 ሰነት ለጀረበዉ ወለፈሽለ ዲቦም ንዛም ኦሮ-ቅጥብ እብ ከአፎ ሸክል ለአጸቡጡ፡ EU ኢህለ፡ ኔቶ በዲር ትፈራተክ ወሀምረ፡ እዜ እብ ምስምስ ዩክሬን

አርወሐት እግል ልብለሶ ዲቡ ዋጥኖ ህለው። እትሊ ለሐልፈ 30 ሰነት፡ ምስል ተጃርብ ሐርብ ብሩድ እንዴ ቃረነው ትትረአዮም ለዐለት ጋራት፡ ለእትሓድ ሶቪት ለዐለ ሩሰዩ ሰበት ቱ፡ እግል ሩሰዩ ቀየድከ ምን ገብእ፡ ዐሚምከ ዲብ ዐለም ተአክድ። ለሐለቡት ህይ እብ ሰልፍ እግል ሩሰያ ቶም ለሐሰበዉ፡ እት ክፊምዮ ምጽእ፡ እት ኡክራንዩ ምጽእ ውብዕድ እተ መንጠቀት ለህለ ድወል፡ አክረቱ እግል ሩሰዩ እት ከርዶን ተአትየ ወክም ኢትትጃገር ትወድዩ። ሰበቡ እብ ቱክኖሎጂ ወዐስከርየት ሶቪት መትጃግረይቶም ሰበት ዐለት ቱ። ለወክድ ለህይ ለዐለ ወካጢ ዐገሎም ለእብሉ፡ ቻይነ ቤት ጣቀት ሰበት ተ እግል ንትነፈዕ እበ እንቀድር። ለኪሰት ሐለት ወጣቀት፡ ክምሰልሁመ መጠገስ ለገብእ መሳኔዕ ሰበት ህሉ፡ ቻይነ እግል ንትነፈዕ እበ ሐቆመ ገብኣነ ኩሉ ናይ አሚሪክ ልግበእ

ወእርብ ምህዞታት ወቱክኖሎጂሁ አሰከ ተዐድዩ ወረኪሰት ጣቀት ወነሐር አዳም ሰበት ህለ እግል ትዝመተ ትቀድር። ትሪልዮናት ዶላራት ህይ ትጃቅፍ ምኸ። ለዐሚም ሸሙይ ጀላብ እግል ልራቁቡ። እትሊ ሰላሰ ሰነት ላኪን፡ ድድለ ሕልጥም፡ ቻይነ በርገሽ ወዴት እቶም። ቻይነ ዮመቱ እብ እቅትሳድ፡ ቱክኖሎጂ፡ ዐስከርየት ወመቀየሲታት ብዕድ አወላይት ተ ምን እንብልመ ሐሰት ኢኮን። ለመጽእ 20 ሰነት ህይ ቻይነ አየ ክም ትብጽሕ እሙር ቱ፡ አሚሪክ ወመሳኒተ ህይ ለዐል እግል ሊበላ ቱ ገብእ፡ እቦዩ።

እዜ ተቅዩር መጽእ ህለ። እሊ እዜ ልትሻብብ ለህለ ሄራር ህይ፡ ዕልብ ሐቱ ፈርሀቶም ቻይነ ጋብኣት ህሌት። ከሐለቡት ቻይነ ህይ እብ ከአፎ ትዋልዩ ቱ ሀሞም። እትለን ለሐልፈዩ አምዲላት ልውዕዉ ለዐለው ምስለ ውራቆም ለገይስ ኢኮን። ናይ ክፍለ ጅግረ

ልብሉኩ፡ ላኪን ህቶም እብ ጅግረ ኢለአምኖ ወእት ረአሶም ዜር ክእሉል ሃይባሙ ቶም። ሰበት እሊ ቻይነ ስቅ እግል ለአጸቡጠ ቦም። ሰደፍ ህይ ቻይነ ወሩሰዩ፡ እት ክልኢቶም ብገሰ ለህለ ህጃማት ልትረአዮም ሰበት ህሉ፡ ሰዳይት ሕበር እትብገሳም ህለው ወእትጅሀ ጸብጠት ህሌት። ዩክሬን እብ ምስምሳ ተ ሀድፍ ጋብኣት ለህሌት። ዩክሬን ቅድየት ኢኮን፡ ላኪን እት ቀበት እሊ ሰላሰ ሰነት ምስለ ተቃዩር ተየልል እድንዩ፡ እግል ነአሰስ እንዴ ቤለው ለአንበተዉ አጃንደት ኦሮ-ቅጥቡ ንዛም ፋሽል፡ እግሉ እብ ከአፎ ለአትሳነ ወለቅድዩት እት መስለሐቶም በዱላ ቱ ለብሰር። ለልትጃገርም እግል ለህሌ አለቡ፡ እዲነ እግል ልጭቆመ ብእቶም ወለእለ ሐዘው እተ እለ ሐዘው ሳዕት እግል ልርኮብ ብእቶም። አክረቱ መትጃግራይ ለአለቦም እግል ልንበር ብእቶም።


ለተየልል ህይ እግል ክምሰልሁታት ሰሚሕ? ኣነ ሕልም ቱ እብል። ሓለቶም ሰበት ኢደሉ፡ ሸንሀት ተ በሉ፡ ወእብ ሸዑር ቀቡቶም እግል ለአድሙነ ሰበት ለሐዘ፡ እሊታት እግል ልፍሆሙ ኢቀድር። እሊ ምራድነ ለአተምም እግልነ እንዴ ቤለው እምጸሙ ለህለው ውራቅ ሰበት ቱ፡ ናዮም ጌገ ቀመርት (ሕሳብ) ለልኦክድ ሌጣ ቱ። እብሊ ለከሉቁ በርደደህ ህይ አሰባቡ እሊ እንርእዩ ለህሌና ቱ። እንዴ ሐሰበው ወሀድአው፡ ገብእ ወኢገብእ እንዴ ሚመው እግል እድንዩ ረሀየት ወሰላም እግል ለአምጽእ እለ ኢቀድር። ድራር ምር ትነዜዕ ወሐርመ ጸቤሕ ብዕድ፡ ኦሮ ትሸውጡ ወኦር ትከይዱ፡ እት ንዛም ፋሉል ለአተርገዝ ሄራር ቱ። እሊ እዜ እንርእዩ ለህሌነ ሐቆ ሐርብ ብሩድ አክተመ ዲብ ነአመሰል፡ ሐቆ ሕርየትነ እብ ሐዲስ አብሀዘ፡ እትሊ ሰላሰ ሰነት እድንዩ ዩምክን ትትቀየር ወትሰኔ ገብእ እት እንብል አክለ አተቅበልናሁ፡ እሊ ናይ ማሌ ምስል መካይድለ ክራም ልግበእ ውብዕዳም አግብርም እት ለትፈናተ አምዳር ክለቅ ለህለ ፈንጨጋር፡ ኩሉ ሰበቡ ህቶም ቶም። ብዕድ አሰባብ ቡ እንዴ ትቤ እግል ትትሃጌ ኢትቀድር፡ መሻቀዩ፡ መሻቀዩ ቱ፡ ለትትበለዕ ህሌት እዩ ወመክሰብ ብዩ ዲበ ትብል ክመ ናይ ወያኔ ከዋድር ዐባዩ ለልቡሉ፡ ጸፈዐከ ወሐር ርያል ሐቆ ሀቤከ እንታመ ምስሉ ትገይስ ልብሉኩ፡ ትትጸፈዕ ወርያልክ ትነሰእ። እሊ ኩሉ ርበሽ ዐለም ምን አየ ነዜሕ ሀለ ትቤ ምን ገብእ፡ አክረቱ ለዓማቱ ምናም ተ። እት አጥራፍነ ሚ ቱ ለተእሲሩ፡ ለናይ ሰላሰ ሰነት አጃንዳት ግድም እዴሆም ጠለቀ -ትፈርተክ ምናም።

እት ገጽ 7 ልተላሌ...



5^ይ ክፋል

ሕመዳይ፡ ጃካብ ተሰኪም ወንዳክ



እድሪስ ሕመዳይ ዲብ ጃምቦት በቅዳድ 1969

እድሪስ ሕመዳይ ለዲብ ኤረትርያ ዲብ መንጠቀት ምራረ ዲብ ዳንኩር ለአስተባባይ ሄራር ተዕሊም፡ አስመረ አተ እቡ ከዲብ መድረሱት መደበር መመሐድ ኹለፊኝ አራሽዲን አተላለፍ። ምኑመ ዲብ ሱዳን ከሰለ ዲብ ከልወት ወሐቀሁ ዲብ ከርቱም እምድርማን ዲብ መሐድ አፍሪቀዩ ወምኑ እንዴ አተላለ ዲብ መስር ዲብ አልአገሀር በጽሐ። ክሉ እሊ ንዳል ጀላብ ተዕሊም እትገብእ ምን መስርመ ዲራቅ እንዴ ትሽብ ዲብ ጃምቦት በቅዳድ ባጽሕ ህለ። መዋ-መጦር እሊ ንዳል እግል ተዕሊም ንዳል ጀላብ ሕርየትመ ለአተላለፍ ዐለ። ሰውረት እንዴ አስተባባይት ዲብ መናጥቅ ኩፍልት ህሌት ወወምልያት ዐስከሪመ ገብእ ህለ። ከቴለል ናይለ ዲብ ሚዳን እብ ሰለሕ ናድሎ ለዐለው ወዲብ ካርጅ ዲብ ደርሶ ዲብለ ንዳል ንዝማም ለዐለው ከረ ሕመዳይ ዲብ ዐለው እቱ መዐደይ አብሐር እንዴ ገብአው ንዳሎም ሰዱ ወለይዶ ዐለው።

ሕመዳይ ዲብ ጃምቦት በቅዳድ ደርሶ ዲብ ለዐለ ወክድ ቴለል ዐዱ እብ ከበር ረክብ ዐለ። ምን ዲብ ክርስ ኤረትርያ ለዐለው ሰቦሶ ሐወ ለክልኦት ሳልሕ ወኖር ምስል ሰውረት ልትዓወኖ ዐለው። ሳልሕ ዐረብየት ዕጩይ ምን አስመረ አስክ ምራረ ለተትቀብብል ሰበት ዐለት። እት ቀበተ ዕጩይ አስክ ዲብ ከርስ አስመረ ለዐለው ፍድኣዩን ለገይሶ ሰለሕ ነድኣ ዐለ። እት ወክድ ለህይ ፍዳኣዩን ዲብ አበሻውል ቤት እጃር ዐለት እሎም። ክምስልሁመ ካልኣይት ቤት ዲብ ኪዳኔ ምህረት



ሕመዳይ ምስል ወላድ መድረሱቱ በቅዳድ 1970

ዐለት እሎም። ለፍድኣዩን ምን እሊ አብያት እሊ ዲብ ልትበገሶ ዐመልያት ወዱ ዐለው። ወኖርመ ዲብ ምራረ እንዴ ገብእ እግል ሽዐብ ወጃህ ወለትመቃረሕ ዐለ። ወእብሊ ውላድ ሕመዳይ እድሪስ ዲብ ካርጅ ሳልሕ ወኖር ህይ ዲብ ኤረትርያ እንዴ ገብአው እግል ገብእ ለዐለ ንዳል ተሕሪር ሰንዶ ወሰዱ ዐለው። እሊ ሓለት ንዳል ወቴለል ዐድ ሕመዳይ ዲብ ገብእ፡ እድሪስ ሕመዳይ ዲብ በቅዳድ ድራሱቱ ዋሰል ወህቱመ እትለ ገብእ ለዐለ ንዳል እበ ትትቀደሩ ልትዓወን ዐለ። እድሪስ በቅዳድ ዲብ እንቱ አሰልፍ ለትከበተዩ ሽሂድ ሓምድ ቱርኪቱ። ሕመዳይ ሓምድ ክምስል ጸንሐዩ ርሐ ይአገውኑ ዝያደት መፅነውዩቱ ትወቀለት ወእምቡቱ ለዐለ ሄራር ተዕሊም እግል ለአተላሌ ህይ ዝያደት ትናየተ። እትሊ ወክድ እሊ ዲብ በቅዳድ መክተብ ጀብህት ተሕሪር ሰበት ዐለ ሓምድ ትርኪቱ ዲብ አዳም ልትከበት ወነዝም ለዐለ። ምስል እሊመ ሕኩመት ዲራቅ እት ወክድ ለህይ ክመ ናይ መስር እግል ክሎም ዲብ ዲራቅ ለገይሶ ጠለበት ኤረትርያ ልትከበቶ ወዲብ ጃምቦት ልግበእ ወዳኽልየት ክምስሁመ ሰነውየት ለአቱምዎ ዐለው። ዝያደት ክሉ ህይ ዲራቅ ዲብ ቀድየት ሐቅ መስር ሽዐብ ኤረትርያ ወሕርየት ኤረትርያ መውቀፊ ለልትሐመድ ዐለ።

መስርመ ምስል ሽዐብ ኤረትርያ ወእብ ፍንቱይ ምስል ዲብ ደርሶ ለዐለው ደረሰ ትትዓወን ወሰዴ ምንመ ዐለት ምስል ዝያረት ንጉሰ ሀይለስላሴ ሽውየ ዲብ ልትህእ ጌሰ። ዲራቅ ሳኪን እት ወክድ ለህይ አሰለሐት አስክ ኤረትርያ ትነድኣ ወምስል ምናድሊን ትትዓወን ዐለት። እሊ ህይ መንዱብ ናይ ጀብህት ተሕሪር ምን ዲራቅ አሰለሐት ዲብ ጥያረት እንዴ ጸዐነ አስክ ዐደን ነድኣ ወዲብ ዐደን ልትከቡቱ ከእብ ጀላብ አስክል ሰውረት ለዐለት እቱ ምድር ልደኻክ ዐለ። እሊ ህይ ፈድል ዲራቅ ዲብ ሰዳይት ሰውረት ኤረትርያ እብ ቀሎ ቀሎ ክምስል ኢልትረኤ ለርኤክ።

እድሪስ ሕመዳይ ድራሱቱ ዲብ ዋሰል ወምስል ሰውረት ዲብ ልትዓወን ዲብ ጃምቦት በቅዳድ አርበዕ ሰነት ዲብ ኩልየት

አልሕቁቅ መጃል ቃኑን ወስያሰት ደርሰ። እሊ ህይ ምን ሰነት 1966 አስክ ሰነት 1970 ዐለ። ዲብ ሰነት 1970 ህይ እብ ቃኑን ዲብ ጃምቦት በቅዳድ ትከረጀ። ሐቆ እሊመ ማጅሱቱር እግል ልንሰኣ ክቡታሙ ምንመ ዐለው። ሕመዳይ ክሉ ህመ ወቀልቡ ዲብለ ዲብ ሚዳን ለዐለ ንዳል ተሕሪር ሰበት ዐለ። ግሪ እለ ድራሱት እግል ልወሰክ ኢትሸነህ፡ ሰለሕ እግል ልርፈዕ ሰበት ሐዘ ህይ አስክል ዲብ ሚዳን መይቶ ወቀትሎ ለዐለው ምናድሊን ዲብ ወሬሕ ዐስር ናይ ሰነት 1970 ምን ዲራቅ አስክ ሚዳን ትወክለ።

ሕመዳይ ምን በቅዳድ ዲብ ሱዳን ትከረ ወምኑ ሚዳን አተ። እት ወክድ ለህይ ቅያደል ዓመ እብ ሽሂድ መሐመድ አሕመድ ዐብዱ ትትመረሕ ዐለት። አሰልፍ ዲብ ከርቱም ትከበተው። ግሪሁ ምን ከርቱም አስክ ከሰለ ነድኣው። ወምን ከሰለ ጀዋብ እንዴ ከትበው እሉ አስክ መሐመድ አሕመድ ዐብዱ ሚዳን ነድኣው። ወሕመዳይ ርሳላቱ እንዴ ጸብጠ ምን ከሰለ በርክ በህለት ፎርቶ ሳወ አተ ወእግለ ርሳላት ዲብ ፎርቶ ሳወ እግል መሐመድ አሕመድ ዐብዱ ሰለመዩ። ወአስክ ወሬሕ ምስል መሐመድ አሕመድ ዐብዱ እግል ልትሐረክ አስተብደ።

እትሊ ወክድ እሊ መሐመድ አሕመድ፡ እድሪስ ሕመዳይ ቃኑን ዳርሰ ሰበት ዐለ መሕከመት ዐስከርየት ወመሕከመት መደንደየት ጽበጥ እግልነ ቤለዩ። እትሊ ወክድ እሊ እድሪስ ሕመዳይ እት ክእነ ቴለል ዲብ ህለ ለዲብ ምራረ እንዴ ገብእ ምስል ሰውረት ልትዓወን ለዐለ ሳልሕ ሐሁ እብ ሰበብ ጀዋሲስ ምስል ሰውረት ክምስል ልትዓወን ሰበት ተአመረ። አቶብዩ እንዴ መጽአው ዲብ ምራረ ቀትለው። ሕመዳይ ከበር ሐሁ ክም ሰምዐ ሰኢ ትሻቀለ ወገህ። እት ክእነ ሓለት ዲብ እንቱ እግል ልሸቆ ለቴለል ሰበት ትሰደደ እቱ። ምስል መሐመድ አሕመድ እንዴ ትፋሀመ ምራረ እግል ልብጸሕ ዋልዴት እግል ልርኤ እብለ ምስምሰ እለ እንዴ ትነፈዐ እጃዘት ጠልበ ወክልኦት ጅንዲ እንዴ ሀበዩ አስክ ዐዱ በህለት ምን ፎርቶ ሳወ አስክ ምራረ ሳረሐዩ። ለገበይ ረያም ወመራር ዐለት። እብ ርሪ ሐባብ ፈግረው ወምኑሙ ረያም ገበይ እንዴ ካተረው ሽዕብ አተው ወምኑ እብ ፍልፍል ሰለሙነ ምራረ ፈግረው ወእብለ እድሪስ ሕመዳይ ዲብለ ትወለደ እት ዐዱ ሐቆ 14 ሰነት አተ።

እትሊ ወክድ እሊ እድሪስ ሕመዳይ ዐዱ ክምስል ቀደመ ኢጸንሐቱ። ለዐድ እብ ንዝም አቶብዩ ዲብ ሐቱ አካን እንዴ ትከወነ ጸንሐዩ። ለፈትዩ ሐሁ ሳልሕመ ጀላብ ሕርየት ወእስትቅላል ዲብ ልብል ወምስል ሰውረቱ ዲብ ልትዓወን እብ ዐሳክር አባይ

አስተሸህደ። እብሊ ህይ እግል ኢረክበዮም አቃርቡ ወውላድ ሐወ። እድሪስ ማጽእ ዐለ ወሰለመ እትኩም እንዴ ቤለ ለዐለት እሉ ሐጫር እጃዘት እንዴ አትመመ ዲብለ ትበገሰ ምን አካን አቅበለ። ለለአሰፍ ሳኪን ዋልዴትመ ዲብ አካን ማጽአም ሰበት ይዐለው እግል ልርክበም ኢቀድረ። እግልሚ ዲብ ፍሽይ መዐስከር አቶብዩ ሰበት ዐለ። ከረ ሕመዳይ ዲብ ምራረ ብዙሕ እግል ልጽነሕ ኢቀድረው።

ሐቆ እሊ እድሪስ ሕመዳይ ምን ምራረ እበ መጽአ እበ ገበይ አስክ በርክ ፎርቶ ሳወ አቅበለ ወዲብ መሐመድ አሕመድ ዐብዱ መጽአ። ወእትሊ ወክድ እሊ ጀብህት ተሕሪር ዲብ መንጠቀት ኣር ምሕራም በርክ ወሽንሰበ ዲብ ወሬሕ 1 ሰነት 1971 መእተመር ዐዋቱ እግል ቲዴ ትዳሌ ሰበት ዐለት ኣድሪስ ሕመዳይ ዲብ ትዩመመ እቱ ሽቅል እንዴ ኢልትፈረር አሰልፍ ዲብ



ሽሂድ ሳልሕ ሕመዳይ (1970 ምራረ)

መእተመር እግል ልሻርክ ክምስል ቡ ተሐበረ። ወለ መእተመር እብ አሳሰለ ዱሉይ እሉ ለዐለ ምን ሚዳን ወምን ካርጅ ለሻረከው ደረሰ ክምስልሁመ ምን ቅያደት ከረ ሕሩይ ተድለ ባይሩ ወኢብራሂም ገደም ወሰሌማን ሰራጅ ሐድረው እቱ። ወእትሊ ቅያደልዓመ እግል እድሪስ ሕመዳይ ነፈር መዳልያይት ልጅነት እግል ልግበእ የመመው።

እትሊ ወክድ እሊ ቴለል ሚዳን ሰኢ ይዐሉ። መትፈናታይ ክምስልሁመ ቅዋት አሸዕብዩ ሊተሕሪር ኤረትርያ ምን ጀብህት ተሕሪር ለትፈንተው እቱ ወክድ፡ ፍንጌ መናጥቅ ለዐለ መትፈናታይ ወለመሰሉ እግል ሕመዳይ ብዙሕ ይዐጅብዩ። እግልሚ እትሊ ወክድ እሊ ዲብ ከርስ ጀብህት ተሕሪር ብዙሕ ለትፈናተ ረኣይ ልትረኤ ዐለ።

እት ገብእ ለዐለ መእተመር ሰርም ለቅያደት አጊድ ኢሻረከው። መሰለን ኣድም ሳልሕ ሼደሊ ነፈር ቅያደል ዓመድ ዲብ እንቱ ዲብ መእተመር አጊድ እግል ልምጸእ ኢቀድረ። እትሊ ወክድ እሊ ያበል እግል ለአንፍሰሎ ልዓለው ለዐለው



ምናድል እድሪስ ሕመዳይ 2023 አስመረ

እቱ ወክድ ቱ። ኣድም ሳልሕ ለእት ቀበት ጀብህት ተሕሪር ጀሬ ለዐለ እንፍሳል እግል ልብጠር ክምስል ቡ እበ መዳልያይት ልጅነት ተሐበረ። እግልሚ እትሊ ወክድ እሊ ቅዋት አሸዕብዩ እንፍልሰት ህሌት። ያበልመ እግል ለአንፈሰሎ ለሐዘ ህለው። ለልጅነት ኣምረት ይዐለት ዲኢኮን እድሪስ መሐመድ ኣድም እግል ኖሱ እብ ምስጢር ምስሎም እትፋቅ ዐለ።

ሐቆ እሊ ለመዳልያይት ልጅነት እት ክሉ ጀብህት ተሕሪር ለዐለው እቱ አካናት ትወዘወው። ሕመዳይመ ጋሽ በርክ በጽሐዩ። እሊ ምስል ዲብ ለዐለ ጃሽ እጅትመዕ እግል ሊዴ። እብሊ ለልጅነት ዲብ ኤረትርያ ዲብ ሱዳን ትፈንጠረት። እሊ ክሉ ክምስል ገብእ ሐቆ ሰለሰ ወሬሕ ዲብ ከሰለ እጅትመዕ እግል ሊደው ክምስልሁመ ምር ወፍድ አስክ ቀደም ቅሩብ ወክድ ምን ጀብህት ተሕሪር ፍንቱያም ለዐለው ቅዋት አሸዕብዩ ወፍድ ነድኣው።

እድሪስ ሕመዳይ ዲብለ ዐለ እቱ ጋሽ በርክ ወዲብ ለጸንሐዩ ጃሽ ሰኢ ትከበተዩ ወህቱመ እግል ጃሽ እጅትመዕ እንዴ ወደ እብ ክሰብል መእተመር ተውዴሕ ሀበዮም። እምበል እሊመ ምስል ዲብ ደዋዬሕ ለህለ ሽዐብመ እጅትመዕ ወደ። እትሊ ወክድ እሊ ኣድም ሳልሕ ሼደሊ ዲብ እድሪስ ሕመዳይ ርሳላት እንዴ ከትበ ምር ጅንዲ አስክ ሕመዳይ ነድኣ። ለርሳላት ሚ ትብል “እሊ ትወድዩ ለህሌክ እጅመዓት ሕነ ኢንትከቡቱ። አሰልፍ አናቱ ነፈር ቅያደል ዓመ ወመስኡል እለ መንጠቀት አዘ እሊ ምስል ጃሽ ወሽዐብ ትወድዩ ለህሌክ እጅትመዕ አብጥሩ” ለትብል ዐለት።

ሕመዳይ እለ ርሳላት እለ ክምስል መጽአቱ ህቱመ ዲብ ኣድም ሼደሊ ክእነ ለትብል ርሳላት ነድኣ። “እንተ ክእነ ትብል ለህሌክ ኖሰክ ነፈር ቅያደል ዓመ እንተ ወኣነ እለ ሰላሐየት እለ ለሀበተኒ ቅያደል ዓማ ተ ወኣነ ዕዱ መዳልያይት ልጅነት አነ። ሰበት እሊ አነ እጅትመዓት ምስል ጃሽ ልግበእ ወሽዐብ እግል ኢዴቱ ወእሊ እንተ ትብሉ ለህሌክ አነ ይእትከቡቱ” ለልብል በሊሰ ሀበዩ።



ፈንቅል ኡብ ዕንብዜን

78 6

በሊሱ፡ አወል እብ ለረከብናሁ ናይ ውዛረት እዕላም ፍረስ እግል ሐምድ እፈቱ። መትካም ፈሬዕ ሸባብ ወደረስ ኡረትርዩ ዲብ ምዴርየት አሰማዋ እብ አሳስ ነዘሞት ናይ መሕበር ናይነ ደረስ ወሸቃለ ሕኩመት ወሸባብ ደዋሒታት ለእንብሉ ምን ደረስ ወሸቃለ ሕኩመት በረ ለህለው ዲብ እሊ ሰለሰ እንሸቱ። ናይ ደረስ

ሰላል፤ ከሉም እትሰ ምዴርየት
ለህለው ደረሰ ንዙማም ቶም
ዕድውየት ደፍቶ እግል ኒበል
እንቀድር?

**ለኣል፡ ዲበ ሸቃለ ሕክመት
ወግሓብር ለትወድዉ መትዝም ሚ
መሰል?**

ክል ፈረሰ ንዙማም ቶም እብ ኣሳሳ
እሊ መትንዝባም ህዩ እሸትራክ ዲብ
ሰነት 36 ነቅፈ ደፍዮ። ደፍዕቶቶም
ምነ ደረሰ ልትፈንጉ። እግልሚ
ሁቶም መ እብ እቅትሳዶም ምናም
ሰበት ሐይሶ። እሎ መ ለትፈናተ ነሻባ
ለኣትጋይሶ። ርያደት ዓዳት (በህሊ)
ክምሰሁመ ናይ ደርሰ ወኣድረሶት
ዲብ ቀይሒት ዕንቦብ ወሕመረት
ለጅህድ ናዮም ዲብ እሎም በዙሉ
በህለትቱ። ዲብ ክል ክልኤ ሰነት ህዩ
እግል እሊ ፈረሰ ሸባብ ለትመርሕ
ለጅነት ለሐፋ። ክም መሰል ኣዜ ዲብ
ለሐልፈት ሰነት ዮም 5-3-2022
እጅነትማሶ እንዴ ገብኦ ወካይሎም
ሐርያም ዐለው።

በሊሴ፡ ዲብ ፈረሶ ሸቃለ ሕክሙት፤
260 ለንብኦ ንዙማም ረሰሚ
ዕድወዋዮም ለደፍዮ ብክ። ዲብ
ክለን ውዛሪት ታዕሊም፡ ሕክምኑ፤
ሐርሴ፡ ወብዕድ ዲብ ክለን ለህለው-
ቱም። ዲብ ፋይሕ ተንዘደም ህዩ ምን
ለዐል 2000 እሣል ኒብለ፡ እንቀድር።
ጨቢብ ነዘሞት ለእንብለ፡ ህዩ
እሣል 130 አዕዳኡ ለሐቀፍ። እሊ
ፊተውራሪ ወደቀሒት ዕንቦብ እንዴ
ኢትኦቲ ዲብቲ ዲብ ቦርዲን ሌጠ
ለንዙማም ሸባብ።

ሰኣል፤ ሽባባት ለልትፋግ፤ ዲቡ ወለ ደርሶ ምኑ እንድየት ወሚዳናት ለትሐዝቡም ከ እንቴም ከአፎ ህሌትም ወለ ክልሐቴታ ዲብ ግቅቤትት ግቅቤትት ቱ ለህለ?

በሊሴ፣ ግራም ለብንዳቸው ትሕትኖቸው ርኤነ ምንገብሏ እብ ክሰሰ እተሓድሽባብ በህሉቱ እለ ለህሌነ ዲቤ፣ ክሰብ ናይ እተሓድሽባብ ህሌት ዲብ ቀበተቃዕት ለብዲበ ክም ሰሚናራት ወዕፌ፣ ለልትጋባስ ዲበ ለዐቤት ቃዕት ህሌት እግልነ፣ ዲብ መጃል ኩረት ርያደት ህቤ ዲብ እለ ሚዳን ምግብ ናይ እለ ዘሪበትን ለህለ ናይ ቦሊቦል ወግስኬት ቦል ነኡትጋይሰ፣ እለ እብ ትሉሉይ ነሻዋ ናይ ሽባብ ለልዐዝምቱ፣ እለ ዘሪበት ናይነ ህቤ ለሐሰው ሽባብ ለተኣፈፊተ፣ ብዕድ፣ ዝሞ ናይ ቅሪኡት ቱ፣ ዝያድ እዳላም ለገብአው ወፊዳብያም ወዝያድ ነፍሶም እግል ለዓቡ ለልሐዙ ሽባብ ወደረሰ ህቤ ዲብ እለ መክተብት ብነ፣ ዝያድ ዲበ እንዴ መጽአው ሙትነፍዐት ወቂርኡት ገብአ፣ እምበል እለ መጃል ናይ ታኣሂላት ነህይብ፣ ናይ ምህነት በህለት ሻፍገት ራድኢት ናይ ሕክምነ ነህይብ፣ ናይ ኮምፒተር ምህነት ነኡደርሰ እለ ህቤ ዲብ ቀበት ዘሪበትን ለነትጋይሰ ነሻጣት ቱ፣

ሰአል፤ ሸዋብ ምስል ዐውለመት
እግል ኢልትገለው ታሪክ አበምም
ወአብሰቶቶም እግል ልውረሱ
እብ ወጠገዮቶም እግል ልትሐብኖ
ወዕሉማም እንዴ ገብአው
ሙጅተመዕ ለልአደርሶ እግል
ልግብአ ሚ ጅህድ ትወዱ?

በሊሰጥ፡ እብ ክሱሰ አድረሶት፡



መስከላ መ/ወ/ ሸ/ደ/ኤ ምዴርየት
አሰማዋ አሰይድ ሓምድ ጅምሶ መ/አደም

ዲብ ታሪክ ወጠን ወወጠንየት ዲብ ለልብል፡ ናይን መጃል ህለ ክል ወሬሕ ለነህይቡ እግል ፋይሕ ተንዚም ልግበእ ወጨቢብ ተንዚም፡ ካሳተን ህይ እግል ጨቢብ ተንዚም ለነህይቡ ክቱብ ህለ እብ ደረጀት መሕበር እንዴ ትግለ ለመጽእነ፡ ክም መሰል ታሪክ ኤራትርየ ምን ዘበን ቅዱም አሰክ ሕርየት ለልብል ክታብ ህለ ዲቡ እንዴ ረከዙ፡ ክል ወሬሕ እግል ሕመረት ወካድር ላቶም ሽባብ አርእስ እንዴ ርኡነ ነኣደርስ፡ እብ አሳሰ እሊ ለሻብ ታሪክ ወጠኑ ሚ መሰል ዐለ፡ ሕርየት እግል አምጽኦት አክል አይ ተዐብ ተሐሰፈ፡ ለሐልፈው ሽባን ህይ ሚ ዶር ተልሀው፡ ዲብ እሊ መጃል እሊ ዝያድ ክም ደርስ ወወርስ ገብእ፡ እብነ ሌጠ እንዴ ኢጉብእ ብዙሕ ታሪክ ለሐሰፈ ወአጅያል እግል ለአድርሶ ለልካህተምም አንፋር ሰበት ህለው፡ እብ አሳሰ እሉም ህይ ዲብ ለትፈናተ መጃል ለትፈናተ ጋሽ እንጠልብ እሉም፡ እብ ክሰሰ እሊ ህይ ድራሰት ልትህየቦ፡

ሰኣል፤ እኩም ዲብ ሐገቴኩም
ለህለው ሸባብ አማት ናደለ
ለሐልፈው ለልኦተሞ እግል ልግብኪ
ዲብ እለ መንጠቀት ለህለው ጀሃት
ታዕለም፤ እዳረት፤ ጀብህት ወብዕዓም
እት ሸቅልኩም ለወድወ እግልኩም
መዓነት ሚ ትመሰል?

በሊሴ፣ ዶር ናይ እሎም መላኒት ሸባብ ለእንብሎም በህለት አፍረዐት ሕክሙት ለእንብሎም ከመ ለሀደግናሁ ከሎም ለእንብሎም ምኒ ወለዐል ሸቄ እግል ኒበሎም እንቀድር። ወለክምሰልሁ ምን እንብል ሕነ አርደት እንከልቅ ወሻብ እነዝም እንዲኢኮን ዲብ ፈዛዐት ናይ ሸባብ፣ አውረሶት ታሪክ ዓዳት ወሰዋልፍ ዝያድ ምኒ ከድሞ እግል ኒበሎም እንቀድር። እብ ፍንቱይ ውዛረት ታዕለም ኣዜ ሕነ ሸርከት ናዮም ሕነ። ለመሕበርነ ዛቱ ማሕበር ሸባብ ወደረሰ ኣረትርዮ ቱ ልትበህል። ክሉ ምስሎም እብ ሕበር እንሸቅዩ በህለት ቱ። እሊ ህዬ ዲብ ጽላል ናይ እዳረት ወጽላል ናይ ጀብሀት እንዴ ገብኦናቱ ለእንሸቅዩ። ዝያድ ምኒ ወለዐል ነሻሞ ወዱ ምን እንብልመ ምን ኣማን ለርምነ ኢሙስል እፔ።

ネナア...

ሽግብ ወወለፍ

መደረጉ አትነኖት ሰጃይር

ዲብ ኢዲነ እብ ግዲዲ አላፍ ለጉበእ አንዋዕ ናይ ወለፍ ክም ሀለ ብሐሰ ለአከደየ ሐቂቀት ተ። ለልትወለፍ አሸየእ ብዞሕ ምንግብ፡ እት ዐድነ ለሀለ ወለፍ ቀልል ወልትሰህል። ሰበቡ ዲብ ዐድነ ኤረትርዮ ምን ቃኑን እንዴ ፈግረ ክም ምራዱ ሰሜት ወጠን ለልአከፍእ ወመጅተመዕ ለልአከርብ ኢህለ። ዲብ ብዕዳት ድወል ረኤነ ምን ጉበእ ላኪን፡ እብ ወለፍ አሰክ ዐቅሎም ዘውል ክምሰል ዐየይን ለልትሐሰቦመ ኢልትሐገሎ። ከእግል ዮም እብ ብዕድ ወለፍ እግል እትሃጌ ይሐዘኩ። እብ ሰትየት አው አትነኖት ሰጃይር ሌጣቱ።



ሰታይ ሰጃይር መደረቱ ምን ቅያስ ወለዐል እኪት ተ። “ኒኮቲን” ለልትቢህል ወለፍ ለለአጸብጥ ቀመም ክምቡ፡ ወአትነኖት ሰጃር ዲብ ዓፍየትነ ናይ ኦተንፈሶት መሻክል፡ ሰረጣን ሸንብእ፡ ጸልዕ ግርጉሙ፡ ሕማም ልቡ፡ ደቅጥ ደም፡ ወዲብ እማት መሻክል ወሊድ ወእሉ ለመስሉ ሕማማት ሰብቡ፡ እብ አሳስ መነዝመት ዓፍየት ለወዴቱ ሕፍዝ ዲብ ሰነት አስክ 3 ሚልዮን ለገበአ ኦንፋር እብ ሰበት ኦትነኖት ሰጃይር ክም መይቶ ውበዝሓም አግሩዝ ክም የትሞ ልትአመር።

ከአግል ሸባብ አግዶ አሰባብ ወለፍ ለወዴ፡ ኦሮት ነፈር ምነ ቤት ወለፍ ሰጃይር ሐቆ ቡ፡ መራቀቡት ዋልዴን እብ ዋጅብ ሐቆ ይህሌት፡ ዋልዴን እብለ ትፈናት አሰባብ ምስል አጀኒቶም ሐቆ ኢህለው፡ ዲብ ፍንጌ ዋልዴን ትሉሉይ በአስ ሐቆ ሀለ፡ እሊ በሀለት ዋልዴን ዶል ልትበአሶ ለአጀኒት ኩሎም ምን ቤት ፈግሮ ወዲብ ሻሬዕ ልትጠለቅ፡ ወእብለ ሰብብ እሊ ዲብለ ኢለአትሐዘኔ ወለፍ ሰጃይር ልግበእ ወከምረት ልትካረው።

ወለፍ ወመደረቁ

ዲብ ድረሰት ድህርት ፍገራት አው ነጥጆች፡ ቅያብ ወመትጠራዝ ምን መድረሰት፡ ቀደም ዶላ ጅመፅ አንብቶት፡ ለኢትሰተተ ፅምሰነ፡ እብ ጅማፅ ለልሐልፍ ሕማማት ክም ከረ ኤይድስ፡ ሐለግ ወበጀን፡ ሰርቅ ወቃጨድት እግል ልሳድፍ ቀድሮ። እሊ ኩሉ ዲብ ለፀል ለእንቤሉ ሳድፍ ሐቀ ገኤ፡ አሰራሁመ ለኢትሐሰበ ብፅድ ወለፍ ክም፡ ትልህዩ ቅማር፡ ስታይ ከምረት ውበፅድ ዲብ እግል ልዋሌነ ክም ቀድሮ እግል ንትረሰፀ ለአለብነ ንቅጠት ተ፡ ለገአ ልግበእ ወለፍ ቀደም ክሉ እግል አፍካርነ ለአድፅፍ፡ ማሽጋም ወዲነ፡ ሰእየት ለአበትከነ፡ ወመትጸብረት ምን እዲ ብፅዳም ወዲነ።

ምን ወለፍ አባረዮት

ዲብ ሐያትነ እብ ስታት ለእንግሊዝ እግል ንግበኤ፡ በህለት ኩሉ ወራታትነ እብ ኤታን ልግበኤ፡ ርያደት ምን ብዙሕ አወልፍ ሰበት ተአነግፊነ ርያደት ንወውዴ፡ ንቅረኤ፡ ዲብ ወለፍ ለጅብሩነ ሓጃት እግል ኒሪም ምኖም፡ ምን ዋልፋም ላቶም አንፋር እግል ኒሪም ወጅብ፡ ሰበት እሊ ሸባብ ደማን መስተቅበል ሰበት ቶም፡ ምነ ዲብ ለዐል ለሸርሐናህ መደረት ሰጃይር እግል ልትነጅው ወእግል ሰናቶም ወለአሰርም ህለው አጅያል መስል ሰኔት እግል ልግበኤ ህሉት እሎም፡ ወለፍ አምበል አብደዮት ማልነ፡ ወደማር ነፍሰነ፡ በአስ ምስል መሳኒትነ ወሐውነ ወአሰክ ዲብ ከረ ስርቅ እግል ንጅበር እንቀር፡ ከሰበት እሊ ምን አወልነ ምን ወለፍ ለጸብጠነ ዲቡ አነናት እግል ንትራዮም ለአስትህለነ፡

ዴሞክራሲ ጀሪደት እርትርዮ አልሐዳሳ

7^ኛ ክፍል

ምን ምእት ዐረብዮት ሐርብ ለትከውነት ሐምሌት ፈርዑን ትበገሰት። ምን ፈዳብ ወምሐርባይ ላቱ ሐረስ ፈርዑን ክልኡት ምእት ፋርስ ዐለው ዲበ። ወእተ ሰልፍሰ ቱቱ ልብል ለዐለ ሰፍፎም ምስል ገሌ ምን ኡመረ ወለመለልሂቱ ለመልክ መሬሕ ዐለ። እብ ኦንክር ማኑ አሚር “ሪዮቶ” ወእብ ኦንክር ገለቡ “አርቦ” ለቃይድ ዐለው።

ለሐምሌት እግል ኒል እት ኦንክር ገለብ እንዴ ሐድገቱ ሽንከት ቅብለት አሰክ መዲነት “ኦን” ተሀርበበት። ለምድር ለሀንቀላቅል ዐለ። አጭፋርሰ ዐጅላትለ ዐረባቶም እምበል ሀዱድ ሐቱመ መስል ይዐለ። ምረሐሬሆም ለዐቦርግ ለዐለ አድብር ለመስል ረብረብ ፍንጌለ ምን መዲነት መነፍ ለግርም ለለአቀምት ወፍንጌለ ዐረባት ለጽዑን ዐለ። ወለ ፍራስ ለእተ አፍሩሶም ጽዑናም ዐለው፣ ወለ ኡጋር መሐርበት ለአሰባፎም እት መራክቦም እንዴ ሳቀለው ከወኒቶም ወአግለቦም፣ እንዴ ረፍዐው ወደኑግቶም እንዴ ለብሰው ገፍድሎ ለዐለው ጋብእ ዐለ። ለሓላቶም ለልርኤ ለቀደም ክልኤ ምእት ሰነት እግል ቅብለት ዐቢ ዐውቱ ለአድረረው ወውሕደት ትርድት

እት ተሐጭር ሰበት መጸት ጀማዐት እብ አፍሩስ አሰኩም እትጅህት እት እንተ እት ትሳሰዔ እግል ልርአው ቀድረው። ሐቱ ምን መቃጠዐት ረዕ ለትበገሰት ፍርቀት ክምተ ሸክ ኢወደው። ህቶም ሰኒ ወአማን እት ቀ’ሩቦም መጸው። አሰር ኦሮቶም ልትሳሰዐው ለሀለው ፋራስ ክምቶም ሰኒ ትወደሐ እሎም። እሊ ነፈር እሊ አው ባድሮም ሀለ አውመ ህዩ ልትካሮፋ ህለው ትባሃህለው፣ ሐር ክም ቀርበምም ላቱ እሊ ሸክ እውዱቶም ለዐል ጋር ተማም ትፈጠነ እሎም። ለእተ ቀደምም ትሰዔ ለዐለት እሲት ዲብ ፈረስ እብ ብራቁ ለትጸዐነት ዐለት። ለሸላይክለ ረአሰ እንዴ ትፋተሐ ወትነፈሽ እበ ምረሐሬሆ እበ ውልዋል ክመ እተ ቤረግ ረፋርፍ ዐለ። ወምን ክትርመ ተዐበት ለሐለተ ባጥረት ዐለት። እሎም ለልትካሮፈ ዐለው እንዴ ዐረው እበ ምን ክል ኦንክረ ገበአው እለ።

እሊ ህዩ አክል አሕድ ምስለ ምጽኦት ፈርዑን ወጃሹ ሳደፈ። ለናይ ፈርዑን ጃሽ ገሌ ተሳዱም እግል ኢልሕሰል ሰበት ፈርሀው እብ ምልሃሁም እግል ሊጊሶ ቅሱባም ዐለው። ከፈርዑን ልግበእ መለጀማዐቱ

ወሐዘረዩ። ምናተ ፈርዑን ዕንቱ ሰበት ጨቅመ እሉ ሰኒ ሓርቅ እት እንቱ ትም ቤለ። ፈርዑን ለጀማዐት ካህን ረዕ ሰበት ፈቅደው እሉ ምን ሐሩቀቱ ዲብ ተፍኪር ወአትዋዖን ተዐደ። ከእግለ ዛብጥ እብ ምልሃሁ እግል ልትካበሩ ሰበት ሐዘ ትሰአለዩ።

- ወእለ እሲት ሚ እት ተሐዙ ትትካሮፈ ህሌኩም?

ለዛብጥ ንኩድ እት እንቱ ክምእለ በልሰ ዲቡ።

- አነ ለእቱ እትበገሰ ሸቅል እምበል ርኢሰዬ አሮትመ ኢሓሰብ እቱ።

ፈርዑን ሓርቅ እት እንቱ። “ለእሲት ጠሉቀ” ቤለዩ።

ለጅኑድ ደናገጸው። ወእት ቀደም አሮት ሰኒ ከጢር ላቱ ረኢስ ክም ህለው ሰበት ትዋቀነው፣ ለእሲት ጠለቀወ ወህተ ህዩ እት ተሀራብጥ አሰክለ ዐረብዮትለ መልክ እንዴ ሰዔት እብ ፈርሀት እት ተሀልክብ እተ ሐንለ ዐረብዮት እንዴ ወድቀት ክምእለ ትቤ።

- ርድኦኒ! መንባዩ ርድኦኒ! ሐሰብክ ወዐይብክ ህሌኮ እለ ጀማዐት ኢተሀበኒ።

“አርቦ” ለቃይድ ምን ዐረብዮት እንዴ ትከረ ከዲብለ ዛብጥለ ቁወት

ህቱ ህዩ እግል መዕቡድ ላቱ ፈርዑን ሌጠ እግል ሓክዩቱ።

ፈርዑን እግል ልሰመዕ እዘኑ አተናከለ። “አርቦ” ክምእለ ቤለ።

- እሊ እሉ ተሀድጊ ህሌኪ ምስጢር ሚቱ?

እት ትትሕሰቡ ክምእለ በልሰት ዲቡ።

- እግለ ቅዱስ መንባዩ ሌጣቱ ለሓክዩ።

- አነ ኬድማዩ ወአሚን ምስጢሩ አነ።

ለእሲት ሸከከት ወዲብለ አዳም ኬን ወእንሰር ትዋለበት። ለገርብ ጨብላይ ወለዕንታተ እተ አግመኦቱ እቱይ ዐለ ወእብ ፈጀዕ ተአርዐዴ ዐለት። ከለቃይድ እብ ምልሃሁ እግል ለኡትሀጋዦ ሰበት ሐዘ ክምእለ ቤለዩ።

- ስምኪ ምንተ? ወእት አዩ ትትብሪ?

- መንባዩ አነ “ሰርጅ” እትበህል። ወአሰክ ፈጅር እለ ዮም ዲብ ሮሻን ካህን ረዕ ለዐቢ ክም ከዳሚት እሸቁ ዐልኮ።

- ከእብ ሚ ሰበብ ቱ ልትካረፋኪ ለጸንሐው። መንባዩ እብ ገሌ ጋራት

ተሀሚኪ ገብእ?


- መንባዩ፣ አነ እሲት ላጽሐት ወሸሪፈት አነ። ምናተ፣ መንባዩ ላቱ ሰኒ ዲብይ ይዐለ።

- ከምን አከደለ ውዳዩ ቱ ተሀርቢ ለዐልኪ? እት ፈርዑን እግል ትሸከዩ ሳተት ህሌኪ?

- ኢፋሉ መንባዩ፣ ለመስከለት ምን እሊ እንተ ተሐሰቡ ለህሌክ ወኬን ለትኬለመት ተ። አነ እግል መንባዩ መልክ እት ብቆት ለከሬ መስጢር አመርኩ። ከእግል እሊ መዕቡድ ላቱ መንባዩ ሕሳቡ እግል ልውዴ እግል አሰእሉ ዋጅብዬ ሰበት መስሌጊቱ። እብ እሊ ሰበብቱ መንባዩ እሊ ቅዱስ ዋጅብዬ እቡ እግል ይእትዐወት እሎም እሎም ትርኤ ህሌክ ጅኑድ እግል ልጽበጡኒ አሰርዬ ጠለቀዮም!

ለዛብጥ እብ ፈርሀት እት ለአርዐዴ ወምን ርሐ እግል ልዳፍዕ ሻፍግ እት እንቱ ክምእለ ቤለ።

- በዐለ ቀዳሰት እት ፈረስ እንዴ ጸዐነት አሰክ መነፍ ተሀርብ ለዐለት እሲት እንዴ ዐሬነ እበ እግል ንጽበጠ አምሬነ። ከለ ተሀዩቤነ አዋምር እነፍዝ ዐልነ እት ኢኮን ሕነ ምን እሊ ወኬን እብ ክሱሱ ልግበእ መእብ ክሱሱ ሐቱመ ዳልዮም ይዐልነ።



ወለሐብን ታሪክ ለሰጀለው መሐርበት “ሚን” ለአትዋይን።

እሊ ኩሉ ጽዋሮም ወሴፋሆም እንዴ ረፍዐው እት ሐንቱ ማርሐት እሊ ስሙ ዶል ትሰሚ አልባብ ለለአርዐዴ ምኑ ወዕንታት ተሐት ለግንሕ ምኑ መልክ ገጸም ቀደም አሴረረው። ጀላብ ወራር አውመ ሐርብ ቅብላት ጃሽ ይዐለ እሊ ፊራርሆም። ጀላብ ሓሰሮት ጀኔታይ ግርዝ ወድ ዋብ ወአሰክ እለ ሸንቱ ማህረት ወዕንታቱ ምን በርሀት እለ እዲነ ለበሀርር። እብ ዘዐት ናይ ሸሐርታይ ክም ዐዶ ናይ ለዐበ ዐርሽ ዲብ እለ እዲነ እንዴ ገበኤ ለሐዋረ ልብ መክሉቅ ለለአርዐዴ ምኑ ሰበት ተሐሰበ ተ።

ለጋድሞታት እብ ሸፋግ ለሐሉፋ ዐለው። ወለ ደጋታት ወለ ደገጊት ክመ እተ በርቅ ለሐሉፋ ዐለው። ወእበ ዕንታቶም ምንኬኖም ወሐረሶም አሰክለ ምድር ለለአፍርሆም ዐለ። ለምድር ለግርዝ ወድ ዋብ ለአቅዳር ናይ ከጠር ዶር እግል ልተልሄ ለሐሬቱ ለዐለ እቱ አሰኩ ለአቀምቶ ዐለው።

ምን ረዩም አጨብል እት ለዐቦርግ ረአው። ምናተ ምረሐሬሆ እንዴ ገበኤ ለሀርሱ ለዐለ ከልቅ እግል ልርአው ኢቀድረው። ለመሳፈት ፍንጌሆም ወፍንጌለ አጨብል ለዐለት እብ ምልሃህ

እበ ተሀርብ ለዐለት እሲት ልግበእ መለ ልትካሮፈ ለዐለው ሕሰርመ ይዐለ እሎም። ዩምክን እት ዋጅቦም ለትበገሰው ፖሊስ ገብእ ቶም መስለዩ ከትም እትልብሎ እግል ልሕሎፎም እት ለሐዘ ለእሲት ክምእለ እትብል መውዲት ወጀህት እቶም።

- የሀው ጅኑድ ርድኦኒ! ርድኦኒ! ሐሰብኩም ወዐይብኩም አተክሩኒ! እሎም አሰክ ፈርዑን ናውዩት እት አነ ገበይ ከልኡኒ ህለው!

እተ ዶል ለህይ ፈርዑን በጥረ ወለ አሰሩ ገብእ ለዐለ ዐረባትመ ትባጠረ። አሰክለ ሰብ ለእሲት ክሉባም ዐለው እንዴ አቅመተ ከእበ ናይ አዋምር ክርንቱ።

- “ሕዶገ ለእሲት” ቤለዮም።

ህቶም ላቱ እሊ አዋምር ለህይቦም ለዐለ ሰበት ኢደለውቱ መስለኒ ባልመ ይሀበው። ከአሮት ምናም በዐል ሩትበት ዛብጥ አሰኩ እንዴ ትቀደመ እብ ክርን ቀልዐት ክምእለ ቤለዩ።

- ሕነ ቁወት ምን ሐራሰ አን ሕነ። አዋምር ናይለ ዓቢ ካህን እግል ንነፍዝ ማጽኦም ህሌነ እንቱም ህዩ ምን አዩ መዲነት እንቱም። ወሚ ተሐዙ ህሌኩም?

ለመግለ’ለ ዛብጥ ሰኒ አትሐረቀዮም። ከ “አርቦ” ተሀዲድ ወደ ዲቡ

ቀርቡ። ለህይ ህዩ እተ ፎቃዩ ዕላመትለ ንሰር ወለ እሻረት ለፈርዑንዮት ክም ረኡ ርዕብ አተ ዲቡ። እተ ዶል ለህይ ናይ ገዛም ወእሕትራም ብጥረት እንዴ በጥረ ሰይፋ ሐርጠ ከሰላም ዐሰክርዩት ወደ። ወእግለ ጀማዐቱ ክምእለ ቤለዮም።

- ሰላም ቦሉ እግል እሊ ቃይድ ሐረስ ፈርዑን።

ለጅኑድ አሰባፎም ሓረጠው ወክመ እተ ተማሲል ትቃሰው።

ለእሲት ህግያለ ዛብጥ ክም ሰምዐት እት ቀደም ረኢስ ሐረስ ፈርዑን ክምህሌት አመረት። ክብጣረ እንዴ ገበኦት እት ትትረጀዩ ክምእለ ትቤ።

- መንባዩ፣ እንተ እብ አማን ርኢስ ሐረስ መንባዩ መልክ እንተ? እብ ሐቅ አልሀት እት ረጃክ ህሌኮ አሰኩ እግል ትምረሐኒ። አነ እብሊ ሀረቦዬ አሰክ ሮሻን ፈርዑን አመት ዐልኮ። አፌት ፈርዑን ለኩሉ መስሪ ልግበእ መመስሮዮት ኬር ለጃቅፍ ምን

- “አርቦ” ትሰአለዩ።

እግል ቲቤለ ለተሐዘ ሰንዐት ሚ ህሌት?

ለእሲት እት ተሀልክብ ክምእለ ትቤ።

- ሰኒ መንባዩ። እት ከብድዩ ሰኒ ከጢር ላቱ ምስጢር ዓቅረት ህሌኩ።

አደብ ወድ ዐጁን ቱ

ዎሮት እናስ ግንዳብ ወሰኒ ለቢብ እተ ግንራራብለ መሓዝ ትገሰ። ወእግለ ግርመትለ ድዋራቱ እት ልትፈከር ሀተምተም ልብል ዐለ። አመተ አለቡ ዐርቀብ ዲብለ ማይ እት ወድቅ ረአ። ለዐርቀብ ርሐ ምን ተሪቅ እግል ተአድሕን እት ተሀላፍት ርአዩ። ለእናስ ህዩ እግል ለአድሕነ ሰበት ሰተተ እዴሁ መደ እለ። ህተ ህዩ ገሕ እብ ንዝዐት አበለቱ!

ለእናስ ምን ክትርለ መጸጸት አፋሁ እት ልግዕር እዴሁ በግጠጡ። ምናተ መደቲት እንዴ ኢተሐልፍ አዜመ እግል ለአድሕነ እዴሁ መደ እለ። ህታመ ምን ሐዲስ ዘዕ አበለት ምኑ። አዜመ ጽርሓት እት ለህይብ እዴሁ አከበ። ሐቅ መደቲት አዜመ እግል ሳልስ ዶሉ እግል ለአድሕነ ጀረበ!!

እተ ቁሩባዩ ነፈር ዎሮት ግሱይ ዐለ። ወእግለ ሸቅሉ ትም እት ልብል ገንሐ እንዴ ዐለ ክም እለ ቤለዩ። “እንተ እናስ ከፎ ትረክብ ህሌክ? ለቀዳሚትክ ምን ኢከፊተክ ላመ ሓሪት ኢመሀረተክ። ከአዜመ እግል ሳልስ ዶልክ እግል ተአድሕነ እዴክ ትመጥዩ ህሌክ”።

እሊ ለቢብ ለግንዳብ ህግያለ እናስ ሕሰርመ ኢወደ ዲቤ። ለጀርቤታቱ አሰክ ልትዐወት አተላለዩ ወእግለ ዐርቀብ ምን ማይ አፍገረዩ ከአድሐነዩ። ሐቅ እለ አሰክለ እናስ እንዴ አተጀህ እተ ፋቃዩ እንዴ ጠብጠቦዩ ክምእለ ቤለዩ። “ስምዐኒ ወልዩ። ዐርቀብ እብ ጠቢዐተ ምን ደለ ቀርቦዩ ትነዘዕ። ምናተ አነ ጠቢዐፎ ረሕመት ወሐናነት ተ። ከእግልሚቱ እንተ ለጠቢዐትለ ዐርቀብ እትለ ጠቢዐፎ እግል ትትዐወት ትሐዘኒ ህሌክ?”

ምን እለ ሓድሰት እለ ለንትዐለሙ ጋር። ውላድ ሚን ኣደም ለእለ አከው ምን ለአኩ እትክ ወለእለ አምጸጸወክ ምን ለአመጽኩ እንተ እብ ናይ ኖስክ ጠቢዐት ተዓመሎም ወታለዮም እት ኢኮን እበ ጠባይዮም ኢተዓምሎም። ወእሎም ለምን ቅብላት ፍላን እለ ሰኔትክ ኢለአሰትህለ ኬን ብሉ ምንክ ለልብሉክ ወለ ሰኒ አደብክ እግል ለአጠልቁክ ተሐት ወለዐል ለልብሎ ብዙሕ ባልክ ኢተሀቦም ወኢትሰመዖም።

ተበሰም

- ዎሮት ጋሻይ እት እንቱ ዲብ ዎሮት እናስ ዔረ። ለእናስ ዕዮት እንዴ ሐርደ ወተማም እንዴ ማደዩ እተ ቀደሚሁ ከረዩ እሉ፣ ለጋሻይ ሰኒ ሰፍሩይ ሰበት ዐለ ነተትሕ እት ወድዩ ምን ረአዩ። ለእናስ ክምእለ ቤለ።- “እሊ ናተፎት ለእሉ ትናትፋ ህሌክ ለልርኤ ላቱ። ኣላሁ የዕለም ሐቱ ምዕል እሙ ራድሀትክ ለዐለት መስሉ!” ቤለዩ። ለጋሻይ ህዩ አቅመተዩ ከ “እላቱ! ከእንተ ህዩ አፎ አክል እሊ ረሐምክ ዲቡ እሙ እዋቢትክ ዐለት ገብእ?” ቤለዩ።



ነፈሰ ወድ ዕትማን

ዎርት እናስ ዕጩይ እት ለአሬ ምን ጀፈር መሓዝ አርዌ ዐርገ እቱ። ለአርዌ እግለ እናስ ምን እገሩ እንዴ አሰተብደ አሰክ ረአሱ ትለዋለ እቱ። ለእናስ ህዬ እግለ አርዌ ትከሬ ምንዬ ቤሉ። ምናተ አርዌ “አቤኮ ይእትከሬ ምንዝ” ቤሉ ወአበ እግሉ።

ለእናስ ህዬ ሰኒ ሓርቅ ዲብ እንቱ እግል ልቅተሉ ሐዘ ደአም እበ ቀትሉ ብኡይ ኢረክበ እቱ። አርዌ ወለ እናስ ክእን ዲብ እንቶም ወድ ሐሺል መጽአዮም። ለእናስ እግል ወድ ሐሺል ክምሰል ረአ ወድ ሐሺል ዲመ ሻዋር ሰበት ገብኤ። ለእናስ ዲብ ወድ ሐሺል እንዴ ትወለበ ክእን ቤሉ። “እሊ

ዓዳትን ነጸምር

ነፈሰ ወድ ዕትማን ወኢኖ ሊትማን እብ ክሰሱ ሐልዮት፡ ዓዳት ወአድጋም ትግራይት እቲ ወደወ. በሐሰ ወድራሳት፡ ክምሰልሁመ እት ደረጀት ጥባባት ለአብጸሐው፡ ከዮም ክብት ትግራይት እግል አጅያል ለሐዲስ ጋብእ ለህለ አክትብት፡ እግል መትሃግዮት ትግራይት ዝሕረት ዐባይ ተ። ነፈሰ ወድ ዕትማን ወኢኖ ሊትማን ህዬ ዲብ ተእሪክ፡ ዓዳትን ወሕላይን ለአግደወ. ዶር እብ ቀሊል ለልትረኤ ኢኮን። ከሰፍሐት ፈን ወግዳት እሊ እት አክትብት በዲር ለህለ ርዝቅ ህግያን ክሉ አዳም ጀላብ እግል ልርከቡ፡ ለአምሩ ወልትነፊዕ እቡ፡ እትሊ ዓሙድ እሊ ምነ ብዙሕ ጽበጥለ አክትብት ዲብ ነሐሬ እንቀድም እኩም ህሌን። ከእግል ዮም'መ ምን እሊ አክትብት እሊ ለአዳሌናሁ ጽበጥ ጀበእ እምለኩም፡ ከቅራኣት በኪተት።

ጥራክ እት እዳክ ወአርዌክ ሐንቱክ

አርዌ እንዴ ይእትዐረድ እቱ ክእን ትርእዩ ለህሌክ ትላዋለ እቼ ወእግል ልቅተለኒ ለሐዜ ህሉ፡ ትከሬ ምን እቤሉ እበ እግልዬ” ቤሉ።

ወድ ሐሺል ሰኒ ዲብ ልሰሐቅ ዲብ አርዌ እንዴ ትወለበ “ ትከሬ ምኑ ሚ ወዳክ መስኪናይ አደሚ፡ ተዓረው ዕሬ ረቢ ወሐዋን ክሉ ፈትዩ አባይን ልትበእሱ” ቤሉ።

እለ ዘዐት እለ ክምሰል ሰምዐ ለዲብለ እናስ ልወሉይ ለዐለ አርዌ እንዴ ትበራበረ ምኑ ዲብ ምድር ተረብ ወደ ወዲብለ ሐንቱህ እናስ ኩሰኩሰ እግል ሊበል አሰተብደ።

እሊ ለአቀምት ለዐለ ወድ ሐሺል ህዬ ዲብ እናስ እንዴ ትወለበ “ዎ አደሚ ገድም ጥራክ

እት እዴ ወአርዌክ ሐንቱ” ዲብ ልብል ኔገረዩ።

ላመ እናስ እሊ ወክድ እሊ እንዴ ኢልትአከር ሐር ወቀደም እንዴ ትሰደደ እግለ አርዌ ቀትለዩ።

ለአርዌ ክምሰል ትቀተለ ለእናስ ዲብ ወድ ሐሺል እንዴ ትወለበ ክእን ቤለዩ፡ “እንተ ሰኒ ወዳክ እልዬ፡ አናመ ሰኔት እግል እፍዴነቱ፡ እትለ አነን ጽንሐኒ፡ ፈክ ሰኔትክ ገሌ ነዊድ እግል አምጽእ እግልክ “ቤለዩ።

ለእናስ እብ ሸፋግ አሰክለ ዐጣሉ እንዴ ረትዐ ወድ ሐሺል እግል ልቅተል ክልብ እት ሐን ብላዩ እንዴ ሐብዐ ዲብ ወድ ሐሺል እንዴ መጽእ እቡ ጠለቀዩ

እቱ።

እሊ ወክድ እሊ ለክልብ ዲብ ወድ ሐሺል ሰዐ። ደአም ወድ ሐሺል ክም ረአዩ እንዶ ሰከ ነፍሱ አፍገረ። ወድ ሐሺል ነግሬ፡ ለእናስ በደል ሰኔት፡ እኪት ምን ወደ ወድ ሐሺል ዲብ ልሰሐቅ ሐሚር እዝኑዲ ጭቅጥ አብሎ፡ ቤለ ልትበህል።

ከአዜ ምን እለ ድግም እለ ክልኤ መሰል መጽአዩ ህተን ህዬ ‘አርዌክ ሐንቱክ ወጥራክ እት እዴክ’ ለካልኣይት ህዬ፡ ‘ሐሚር እዝኑዲ ጭቅጥ አብሎ ቤለ ወድ ሐሺል’ ልብሎ።

ዓማት፡ ክታብ አድጋማት ትግራይት 1910

መቃበለት ርኢሲ...

ምን ገጽ 7 ለአተላለ

ሰአል፡ እብ ደረጀት ዐለም ራቴዕ፡ ቃኑን ለለሐሽም ወእግል ኩሉ ለከምከም ሄራር ኢጸንሐ። እትሊ ወቅት እሊ ላኪን፡ እብ ፍንቱይ ምን ጀሀት ግብለት ዐለም፡ ለዐለ ሄራር ለትትቃወም፡ ወእግል ሐዲስ ወራቴዕ ንዛም ዐለም ለትጠልብ ክርን እንዴ ተዐቤ ወትበዜሕ ትመጽእ ህሌት። ለመጽእ ሄራር እለ ክርን እለ አሰክ አዶቱ፡ ወዲቡ ለህለ ረአይ አራትርዮ ለከሰስ ተውዴሕ ሐጨር እግል ተሀበክ።

በሊሴ፡ “ናይ ግብለት ዐለም ሌጠ ኢኮን። እበ ናይ በዲር በህል ሳልሳይ ዐለም ለልቡሉ፡ አፍራቅዮ፡ ግብለት አሚርኩ፡ ወኤሰዩ እንዴ ትቤ እግል ትትሃጌ ለሸክል ናይለ ዐለም እግል ኖሱ ትቀዩረ። እብ ዐቢሁ ምን እንርእዩ እት ፍንጌ ሲን ወሩሰዩ ትትከለቅ ለህሌት ሸራካት ትግባእ ወሕልፍ፡ ናዮም ሕርያን እንዴ ኢገብእ፡ እበ እግል ለአትሐወኖም ወልውሮርም ጅርቦ ለህለው ቅዋት ከሉቁ ለህለው ወፋቅቱ። ለዲብ ፍንጌ ሲን ወሩሰዩ ለህሌት መዓውነት እብ ድራሳት ወእብ ስታት ወሕርያ ኖሶም ትገብእ ለህሌትተ እንዴ እምቤ እግል ንትሃጌ እትሊ ወቅት እሊ ኢልትቀድር። ላኪን እብ ሰቡበለ ዲብ ረአሶም ጀሬ ለህለ ጨቅጥ፡ ዐሚም፡ ከርዶን፡ አትፋርሆት፡ ወወታውቶት እደይ ሒለት ለክልቀዩቱ። ሩሰዩ፡ ሲን፡ ህንድ ወብዕዳት ነኣይሽ ላተን ሕዩል፡ እብ ደረጀት ዐለም እግል ሊደያሁ ለቀድረ ሚ ወሚቱ፤ አክል ሕድ እኩድ እግልን ለኢህለ ጃፓንዩን፡ እብሊ ክራም ወሸንግንተን ለሄርሩ ለህለ ሄራር ቃንዓምቶም፡ ምሰል አግዋርም ዲመ እንዴ ልትዳገሾ እግል ለአተላሉ ካርጃም

ወለአክሰሶም ገብእ፤ ግብለት ኩርዮ ክምሰለ አዜ ለህሌቱ እግል ተአተላሌ ትቅደር ሚኢኮን፡ እት ፍንጌ ግብለት ኩርዮ ወቅብለት ኩርዮ ለህለ ክላፋት ክምሰሉ እግል ልምበር ቀድር፤ ጃፓን፡ ህንድ፡ አውሰትራልዮ ግብለት ኩርዮ ወብዕዳት እንዴ አኩብክ ለገብእ ሐረካት እበ ምን እንክር ግብለት ዐለም ትትረኤ ለህሌት ሐርከት ቅቡልዮት አለቤ።

እምበለ ናይ ሲያሰት ቅዋት ወሕኩማትመ፡ እብ ደረጀት ገባይል ምን እንረኤ፡ አዳም መስኩብት፡ ሰላም፡ ዐማር ወረሀዮት ለሐዜ። ለኢሊአትካርም ክምሰል እሊ ለመሰል መትበጭባጭ፡ ሕሩሳት፡ ክላፋት፡ ነዐር ወአከይ መቅሬሕ ሚ ለአክሰሰ፡ እሎም እምበል ከሊቅ ክላፋት ወመሻክል ሚ ፋእደት አምጸአው እግል እለ ዐለም፤ አዳም ኢሊሐሰብ፡ እሊ ለህለ ቴለል ተቅዩር እስትራተጅዮት እግል ልፍሀሙ ኢቀድር እግል ልትበህል ኢልትቀድር። ለፊህም ክምሰለ ዲብ መደት ሐርብ ብሩድ ለዐለ ለለአትሐሶሴ ወለቀሰቅሰ እቡ ምንመ አለቡ፡ አዜ እብሊ እት ክል አርካን ዐለም ልትረኤ ለህለ ተጠውራት፡ መጅተማዕ እድንዮ መሸገ ምኑክ ወነዩ። ሐርብ ብሩድ ትከለሰ ክም ትባህለ በደላሁ ሚ ከልቀው፤ ኣልቃዕደ ዲብ አፍጋንስታን ምን ከልቀዩ ምን ትትበህል፡ ነጂብ-አላህ እንዴ ሀለ ሩሰዩ እግል ለአትሐውኖ፡ እሎም እሸትራክዩንቶም ዲን አለቦም እንዴ ትበህለ አልቃዕደ ከልቀው። ዳዕሽ ወብዕዳት ሐረካት ወተናዚም እርሃብ ምን ከልቀዮም ወዲብሚ ለትመሰል መርሐለት ትከለቀው ምን እምብል ክለን እት ቀበት እለን ለሐልፈዩ 30 ሰነትቱ ለትከለቀው። ከእሊ ህቶም ካልቃሙ ለህለው እብ ፍንቱይ ዲብ

ባካትነ ለህለ መትበጭባጭ ወደማር ቀሊል ኢኮን። ለሀድፍ እርሃብ ወነዐር ህዬ እለ ግብለት ዐለም ትትበህል ለህሌት መንጠቀት ተ። እብሊ መሻክል እሊ ዲብ ሸዐብ ለመጽእ አልሀሽ፡ ገሽላት ሕማማት፡ ወነዐር መከለሲ አለቡ። ምን እለ ዐባይ እስትራተጅዮት ክራም ዋሽንግንተን መደረት ትገብእ እቱ ለህሌት ምንቱ ምን ልትበህል ሸዐብ እሊ ለትሸርሐ መናዋቅቱ። አፍራቅዩ 1.2 ቢልዮን ሸዐብ ለበ ቃረትተ። ምሰል ብዝሐ እሊ ዕልብ እሊ ለዐቦት ረኤናህ ምን ገብእ ፈጅር እብ ዕጽፍ ክም በዝሐ ሚ እግል ሊዴ ቀድር፤ ፈጅር ሚ እግል ልብላዕቱ፤ እብሊ ህቶም ከሉቀ ለህለው መሻክል እብ ከአፎ እግል ልምበር ቀድር፤ ለሸዐብ መንጠቀት ግብለት ዐለም፡ ፍንቱይ ሰበት ጸንሐ። በክት ዐማር ወዐቦት ሰበት ኢረክቤ፡ መንበረቱ ሰበት ኢሰኔት፡ ምነ ዲብ ቅብለት ለህለ ሸዐብ ዐለም ፈሀሙ ዘይድ እግል ቲበል ትቀድር። እግልሚ፡ ሕነ እግልሚ ኢዐመር፤ እግልሚ አረይ ሕማማት ወታእኪር እንገብእ ህሌነ እግልሚ ዲመ ዲብ ነዐር ሐርብ ወለኢልትወሐ ክላፋት እንብር ህሌነ ልብል ሰበት ህላቱ። ምን ሐረስ እሊ ንዛም ዐለም ሐዲስ እግል ልምጸእቡ። ለተኤተነ ስታት ተቅዩር ንዙም ዐለም ሐዲስ እግል ለአምጽእቱ ምንመ ኢእምብል፡ ለፊህም እቲ መንጠቀት ግብለት በዜሕ ሰበት ህሉ፡ እግል መጽእ 10 ልግበኣ ወ20 ሰነት ህዬ፡ ለኢፋል ለልብል ለህለ ሸዐብ ለበዝሐ ክፋሉ ለዲብ ግብለት ለህላቱ። ዝያድ ብዕዳም በልዐ ወአመረ ኢኮን። ሕርያን ብዕድ አለቡ። ለመንበርሁ ለለሐምርግ ወሄራሩ ረአሉ ቀደም ለሐልክ ለህለ አሰባብ እግል ልሸንክ ምን ልትጋደል ዔብ ኢኮን። እሊ አዜ ለህለ ደዓያት ዲብሎማሰዮት

ክራም ዋሽንግንተን፡ ዲብ አሚርክ እጅትማዕ አፍራቅዩ ወአሚርክ ገብእ ህለ ልትበህል። ፍቲ አፍራቅዩ እግል ትክለቅ ወትዝራእ በህለትቱ። አራዊሕ አዳም ዲብ እሳት እንዴ ተኣቲ ወተአበዴ አዜ እግል ትቅሸሽ ተሐሰብ ወትፈክር፤ ሸዐብ ምግባይ ምፍጋር ጸሓይ ወክሊጅ ዐረብ እግል ለአትፋቱ እንዴ ቤለው ዲብ ሰዑድዮ እንዴ መጸው እጅትምዓት ወዱ ምን እግል ልስመያም፤ ወለ ለዲብ መደት ሐርብ ብሩድ ናየን ክፍለት ለዐለት እግልን ድወል ለአክለነ እቲ ለልብለ ክላሰት ባጽሓት ሰበት ህለዩ፡ እሊ እንዴ ከምከምከ ዶል እንርእዩ፡ ለሸዐብ ግብለት ዐለም ምን እለ ለትመሰል መንበረት እግል ልትባላሕ ወልፍገርቡ። ኢሊሐሰብ አውመ ለመርሐ ሰበት ሐግላ ወበክት ሰበት ኢረክባቱ እንዴ ትቤ እግል ተኣትንእሹ ወትቅበቡ ኢትቀድር። አክለ ሐር ጌሳክ እግል እሉም ናይ ሀይመነት ወዐሚም ትምኔት ለሶም ልትቃወም ለህለመ ሸዐብ እለ መንጠቀት ግብለት ተ። ለሰቡብ ህዬ ለዴመት ኖሶም ለክልቀው ተ። እሊ ህዬ ለዐባዩ ወናይ መናቅ ወቃራት ዳቅባት ሓይላት ተን ለልትበህለ ድወልመ እምበል እሊ ለትባህለ ሕርያን ብዕድ እግል ለአሸቅዮን ለቀድር በሰር ወገበይ በን፤ እምቤ ምን ገብእ ለህለ ኢመሰለኒ። እሊ ተዩልል እሊ እግል ልቀደሮ ምን አሚርክ ወአርብ ዲብ ኤሰዩ ወአፍራቅዩ እንዴ ለአውሀሉ ገሌ ተቃዩር እግል ልውደው ለባሉሩ በሰር ቅሸሽ እግልሚ ተ፤ ለእግል ልምጸእ ለቀድር ተቅዩር ልትረአዮም ወለ ሸዐር ወትምኔት ናይለ ዲብ ግብለት ዐለም ለህለ ሸዐብ ለአሙሩ ሰበት ህለው፡ እግል ቅሸሽ ወአትባዳይ ወቅት ልትነፈያቡ ለህለው ለበለ አብሳርቱ”።



ኢኖ ሊትማን

ሕላይ ቀዳምያም

ዲብለ ዲብ ሰነት 1913 ለትኩተበ ክታብ ሐይለት ትግራይት ብዙሕ ሐይለት ህለ፤ ጀሪደት ኤረትርያ ሐዳስ ምን ሐልዮት ዳምር ወድ ግብግን እግል ትትናወልቱ። ከዳምር ወድ ግብግን ሐልዮት ምን መንሰዕ ቤት-ርብርሄ ዲብ ገብእ እብ ለትፈናተ አሰባብ ወድመል ለቤለዩ ሐልዮት ተ። ከአሰል እለ ዐዱ ምን ጠልመዩ እግል አርወሐቱ ለበከዩ ሕላዮት እግል ንርኤ።

መሰኒን ጠልሚን - ለምሳሌ

ሐጽሕጽ ትዋዳን

ወክል ፈታይን ጠልሚን - እት

መንሰዕ ብዝሓም ሳኔን

አባይን ነኡብዮ - እግል

ፈታይን ህሌን

ዕሸረት ተ ለእበ ንትረደእ -

ምን መን እንዶ ትመሼን

ለትበርበረ እንሸልክ - ለትገሰ

እት ሐንቱን

ለሐሰዐ ነኡሰሶ - ዲብ ሰብ

ተህምል እዴን

እንተርፍ እት እምብልቱ - እብ

ሰብ ሰኒ አቱን

ሰኒ ሰኒ ክል ወክድቱ - ሐበን

ለሐዜ ወዜን

በዲር ሰበር ለተዐደ - ጸባብመ

ረሓብ ቡ ምንኬን

ዘርእ ግላሰ ሰልመ - ረሃዊ

ለጋምል ግሬን


መሰተክ ወህንዲ - በረፍ ትወዴ

እብ ጸን

ደንገበ ዕደትና ታ - ተክሊሰመ

ለዮም ሸቤን





ሄኖክ ምክር ብርሃን፡ ዲብ ብድረ ዐጃካት ሩዋንዳ 2023 በውቴታት ሰጅኮ



እቲ ዲብ የም 19 ፌብሩዋሪ ለአንበተ ዙር ጅግረ ዐጃካት ሩዋንዳ፡ ሰለሰ ኤረትሮፔን መትባድረት ዐጃካት ምስል ሰልፋያም 10 ዕወታም ሰበት አተው፡ እግለ ጅግረ ነያረት ሀበወ።

እቲ 115.6 ኪሎምትር መሳፈት ለገልበበት ሰልፋይት መርሐለት ጅግረ፡ ሻምፕዮን አፍሪቃ 2023 ለነሰአ ኤረትሮ መትባድረት ሄኖክ ምክር ብርሃን 3ይ ደረጃት እት ነሰአ፡ ዩኤል ሀብትኣብ 5ይ፡ ወክላሊት አረፋይኔ ህዩ 10ይ ተርቲብ እንዴ ጸብጠው ጅግራሆም አትመመው።

እግል እሊ ጅግረ - 'ሶዳል-ኩክ ስቴፕ' ወድ እንግሊዝ መትባድረት ሼሮን ኤታን ልትዐወት ዲቡ እት ሀላ፡ ምን ፈሪቅ ቶታል ኢነርጂ ጃኔር ኤሚሊን ህዩ ካልኣይ ደረጃት አተ።

እሊ እብ ድቅብት ሾላተ ለተመ ጅግረ፡ 93 መትባድረት እት ሳዐት 41.8 ኪሎምትር እት ልትፊተቶ አትመመው።

እትሊ ጅግረ፡ ክሎም ኤረትሮፔንን መትጃግረት፡ ወቅት እንዴ ኢክስሮ ቱ ጅግራሆም ለአትመመው።

እብ አሳሰለ ፍገሪት አወላይት መርሐለት፡ ኤረትሮ መትባድረት ዩኤል ሀብትኣብ እት ናይ ሸባብ ጅግረ 2ይ ደረጃት ጸብጦ ሀላ። እቲ ናይ ፈጅር 2ይት መርሐለት ህዩ፡ ለሐሳ መትባድረት እግሉ ለትትህዩብ ፍሌንዮት ጸዕደ እንዴ ለብስ እግል ልትጃገር ቱ።

እሊ ሰእየት ለቡ መትጃግራይ፡ እታ ሐልፈት ሰነት ዲብ መሰር ዲባ ገብአ ሻምፕዮን ጅግረ ዐጃካት አፍሪቃ፡ ዲብ ናይ ጁንዮር ብድራ ካስ ሻምፕዮን ክም ነሰአ ልትዘክር።

እግል መደት ክልኤ ሰነት እብ ትሉሉይ ካስ ሻምፕዮን ጅግረ ዐጃካት አፍሪቃ ለነሰአ ሄኖክ ምክር ብርሃን፡ እትሊ ጅግረ እባ ለአርአዩ ቢቃዐት ወፍገሪት-ሰኔት "ለሐሳ መትጃግራይ ወድ አፍሪቃ" እንዴ ገብአ፡ ሊናይት ናይ ሕሽመት ፍሌንዮት ህዩብ ህላ።

እትሊ ናይ የም ዓመት ዱር ርዋንድ፡ ወጠንያይ ፈሪቅ ዐጃካት ኤረትሮፔ ሐምስ መትጃግረት እም ሻርክ ዲብ ሀላ፡ ሄኖክ ምክር ብርሃን፡ መትካል እዮብ፡ ዳዊት የማኔ ወናሆም ዘርአይ ህዩ ምስል ናይ አርብ ፍረቆም ልትጃገር ህለው።

ወጠንያይ ፈሪቅ ዐጃካት ኤረትሮፔ ክም መስሉ እንዴ

መርሐዩ ልትጃገር ለህለ ገዲም መትባድረት ዳንኤል ተክሊህይማኖት፡ እት ሰነት 2010 እትሊ ጅግረ ዕወት ክም ዐለ ለልትፈቀድ እት ገብአ፡ እት ሰነት 2019 መርሃዊ ቅዱስ እት ሰነት 2020፡ ክምሰልሁመ እት ሰነት 2022 ህዩ ናትናኤል ተሰፋጽዮን ዕወታም ክም ዐለው ልትዘክር።

ዱር ርዋንድ 2023 እት የም 20 ፌብሩዋሪ ሰጋይድ ለበዝሐ ዲባ 132.9 ኪሎ ምትር ለትገልብብ ካልኣይት መርሐለት እበ ክም ተዐደ፡ ሄኖክ ምክር ብርሃን ደርብ ሼሮን ኤታን ካልኣይ አተ።

እሊ ማሌ ምሴመ እት



ሳልሳይት ደረጃቱ ዕዱይ ለአምስ ጅግረ፡ ምን ህዩ አሰክ ሙሳንዜ 199.5 ኪሎምትር መሳፈት ዲብ ትባደረው።

ዱር ርዋንዳ 2023፡ ሰማን መርሐለት ለብእቱ እት ገብአ፡ መርሐለት1 ምን ኪጋሊ አሰክ ርዋማጋና 115.6 ኪሎምትር፡



አሰክ እሊ ሰኔ ልሄርር ለህለ ሼሮን ኤታን (እት 2ይት መርሐለት)

ፈሪቅ ቲራቮሎ እንዴ ኢልትቀለብ ካስ ልትሆገል

እት ፍንጌ 13 ናይ 2ይ ዲሺዘዮን ፍረቅ ኮበሪት እግር አቅሊም ምግብ ገብእ ለዐለ ጅግራታት፡ ሰንበት-ዐባይ 19 ፌብሩዋሪ፡ ብዝሓም ፊተት ርዶደት ዲብ ሐድረወ መናሰበት እብ ዐውቴ ፈሪቅ እዳሪት ደዋዬሕ ቲራቮሎ ተመ።

እሊ ናይ ካቲመ ትልህያታት፡ እግል ደረጃት ሳዐት 1:30 አድህር ፍንጌ ፍረቅ ደንደን ወማይ-ተመናይ እበ ገብአት ትልህዩ አስተብደ። ፈሪቅ ደንደን ቀደም ዕርፍ እት 13 ደቂቀት እበ ረክበዉ አሮ ጎል እንዴ መርሐው እግል ዕርፍ 1-0 ፈግረው።

ሐቆ ዕርፍመ እት ካልኣይ ሾት፡ ደንደን ክልኣት ጎል እብ መተልህያዮም ውቅያኖስ ፍሰሃይ ክልኣት ጎል ሰበት አተው፡ 3-0 ተዐወተው።

ሐቆሆም ለመአይደት ብዝሓም ልታካወ ለዐለው ትልህዩ ፍረቅ ቲራቮሎ ወመረብ-ሴቲት ገብአት። እሊ ትልህዩ ናይ ካስ ሰበት ዐለት፡ መተልህዮት ክልኣቶም ፍረቅ ጅግረ ሰኔት አርአው። ቲራቮሎ ቀደም ዕርፍ እግል ልምርሐ ለልኣተቅድራሆም ጀርቢታት ምንመ ወደው፡ 0-0 እግል ዕርፍ ፈግረው።

ሐቆ ዕርፍመ ትልህዩ ሰኔ ግርም ወለትረዬሕ ዐለት። መረብ-ሴቲት ከዋ ድፈዕሆም ሰኔ አተረደዉ። ቲራቮሎም እግል መጽኦም ለዐለ ህጃማት እት ለኣተቀልዮ ትረአው። ምናተ ክልኣቶም ፍረቅ ጎል ሰበት ኢአተው፡ ትልህዩ ዲብ ሪገሌታት ተዐደት። ቲራቮሎ ህዩ 4-3 እብ ሪገሌ ካስ ሻምፕዮን አቅሊሙ ትሆገለው።

ደርብ ቲራቮሎ፡ ፈሪቅ መረብ ሴቲት ካልኣይ፡ ወሳልስ ህዩ ፈሪቅ ደንደን እንዴ ትረተበው፡ ናይ ወርቅ ወነሐስ መዳልያት ተህዩበው።

ለሐስ መተልህያይ ናይለ ደውራ፡ መተልህያይ ፈሪቅ መረብ ሴቲት ዳንኤል መሓሪ እብ 10 ጎል ሰበት መርሐ፡ ናይ ማል ወተቅዲር ጀዋእዝ ትሰርገ።



ሻምፕዮን 2023 ፈሪቅ ቲራቮሎ



አሰክ እሊ ሰኔ ልሄርር ለህለ ሼሮን ኤታን (እት 2ይት መርሐለት)

መርሐለት2 ምን ኪጋሊ አሰክ ጊሳጋራ 132.9 ኪሎምትር፡ መርሐለት3 ምን ህዩ አሰክ ሙሳንዜ 199.5 ኪሎምትር፡ መርሐለት4 ምን ሙሳንዜ አሰክ ካሮንጊ 138.3 ኪሎምትር፡ መርሐለት5 ምን ሩሲዚ አሰክ ሩባቩ 195.5 ኪሎምትር፡ መርሐለት6 ምን ሩባቩ አሰክ ጁኩምሲ 157 ኪሎምትር፡ መርሐለት7 ምን ንያማታ አሰክ ሞንት ኪጋሊ 115.8 ኪሎምትር ወመርሐለት8 እት ቀበት መዲነት ኪጋሊ ድዋራት ካናል አሊምፒያ እግል ለአትምም ቱ።

እሊ ዱር 1130.1 ኪሎምትር እግል ልገልብብ ቱ። እግል ለሐስ

ናይ ሰጋይድ መትባድረት ዐጃካት፡ ለሐስው መትፊተት፡ ለሐስ ሻብ አፍሪቃ እት ዐጃካት፡ ለሐስ መትባድረት ዐጃካት አፍሪቃ ወለሐስ ፈሪቅ ዐጃካት ጀዋእዝ እግል ልንሰኣ ቱ።

እት መርሐለት ክልኤ ዱር ርዋንዳ ሄኖክ ምክር ብርሃን ደርብ ወድ እንግሊዝ ላቱ ሼሮን ኤታን ካልኣይ ዲብ ፈግር፡ እግል እት መርሐለት ሐቱ ቀደሙ ኣቲ ለዐለ ወድ ፈረንሳ ሚጀርስ ጂሮወን እንዴ በድራቱ 2ይ ዕወት ለገብአ። እግል ናይ 132.9 ኪሎምትር መሳፈት ህዩ እብ 3ሳዐት21ደቂቀት ወ30ካልኢት አትመመዩ።

ፍረቅ ፕሪመርሊግ እት 24ይት ሳምንቱ

ለዐባዩ ፍረቅ እንግሊዝ እቲ ሐልፈ ሰነብት ወኣትኒን ትልህያታቱ ዋዲ ዐለ። ገሌሁ ፍረቅ ቅልብ እት ልትባሸር፡ ገሌሁ ሳኪን ተዐወተ ከፈግረ።

አርሰናል እግል አስቶንሺላ 4-2፡ ቦርኔሚውዝ እግል ምልሽስ 1-0፡ ፋልሃም እግል ብራይቶን 1-0፡ ኤቨርተን እግል ሊድስ 1-0፡ ሳውዝምፕተን እግል ቼልሲ 1-0፡ ሊቨርፑል እግል ኒውካስል 2-0፡ ቶተንሃም እግል ዊስትሃም 2-0 ወማንቼስተር ዩናይትድ እግል ሌስተር ሲቲ 3-0 ቀልበም።

ብሬንት ፎርድ ወክሪስታል ፓላስ 1-1፡ ኖትንግሃም ፎሬስት ወማንቼስተር ሲቲ ህቶም 1-1 ትፈናተው።

እሊ ሊግ መሬሕ ለህለ ፈሪቅ አርሰናል እት ገብአ፡ 54 ንቅጠት፡ ካልኣዩ ማንሲቲ እብ 52 ንቅጠት፡ ሳልስ ህዩ ማንዩናይትድ እብ 49 ንቅጠት ደርብ ሕድ ህለው።



ማንዩናይትድ 3-0 ለሊስተርሲቲ



ሊቨርፑል ኒውካስል (2-0)

ጌ ኔብ ሰብተ ዳንማርክ

ዴንማርክ እብ እኩባት ጀዛይር ለትአሰሰት ደውለት ተ። እለ ደውለት እብ ዓም 406 ለበጽሐ ጀዛይር መልክ። ደንማርክ ጀዛይረ እንዴ ኢትሐሰብ ለራሕብ ክፋል አርደ ዲብ ቅብለታይ ሸክታ ቃረት በጽሕ። ዐባዩ ጀዛይር ግሪላንድ ፋርኦን ህዩ ዲብ ሐንቲ መምለከት ዴንማርክ ልትመረሐ። እግለ ለበባዩ ጀዛይር እንዴ ኢትሓብር ርሕብነ ዴንማክ ምስል ኤረትርየ ዶል ተአትመጣውሩ እብ ተቅዩም ህዩ ምን ቅሩብ ሰቅልት እግል ትርእየ ጠቢዒቲ። መዋጥኒን ዴንማርክ ዲብ እዲን ለትወቀለት ፈርሐት ለቦም ሸዐብ ክምቶም ልትህደግ እት ህለ። ኮፕንሃገን ህዩ እብ ለባቲ ጣፊሕ



አሮብ ልትረከብ። እለ ዲብ ሸብህ ጀዘረት ጁትላንድ ለትትረከብ ደውለት ጄራኅ ሐቲ ደውለት አልማን እትገብእ ምስል ሸዌደን ለለትራክብ ዐቢ ክብሪ ትመልክ። እምበል እለ ምን ቅብለታይ በሐር እንዴ ትባገሰ እግል ግንራራብ ቅብለት ምፍጋር ጸሓይ እንዴ በትክ አሰክ በሐር ባልቲክ ለልትመደድ ግንራራብ በሐር መ ትመልክ። እምበል እለ ዴንማርክ እግል ቤጽሐት ለልሰሕብ ፍንቲይ ጠቢዐታይ ሸክል ለባተ። ለበዝሓው ዲብ እለ ደውለት ለልትረከቦ ምን አካን ዲብ አካን እግል ትብተክ ለሰዱ አግቦይ (ጽርግዩ) ውጡይ ወትክ ለብህል እትገብእ ቤጽሐት እብ ምሮ መሰለሰ ሌጠ ገብእ። እብ አሳሰ ዲብ ሰነት 2019 ለገብአ እሕሳኢያት ብዝሔ ሸዐብ ዴንማርክ 5.8 ሚልዮን ገብእ። መዋጥኒን ዴንማርክ ዳኒሽ ልትበህሉ። ዓሲመተ ህዩ ኮፕንሃገን ትትበህል። እለ መዲነት ሐድ 883 ኪሎ መትር መረብሪ ርሕብነ መልክ። ከምስልሁመ እብ አሳሰ ዲብ ሰነት 2017 ለገብአ እሕሳኢያት ሸዐብ ዝያድ 600 አልፍ ሰካን ቤ። እምበል እለ ተቅይም ፅምር መዋጥኒን ዴንማርክ 77 ሰነት በጽሕ። ዴንማርክ ምግባይ ሐፋነት ለቡ ሓለት ጀው ለባ ደውለት ተ። ለበዝሐ ወክድ ግዩም ለቡ ሓለት



እገሮም ልግበእ ወእብ ዐጀላት እግል ልትሐረቡ ዲብ ለቀላቲ። ዴንማርክ እግል ብዙሕ አዳም እብ ርሕብናህ ዐባይ ደውለት እንዴ ገብአት እግል ልትሰምዖም ቀድር። ምናተ ክመ ብዙሕ አዳም ለቀይሙ ወለ ልሐሰቡ እንዴ ኢትገብእ ንኢሽ ደውለተ። እለ እብ እኩባት ጀዛይር ለትከውነት ደውለት ርሕብ 43,098 ኪሎ መትር መረብሪ ጀው መልክ። ዳንሽይን እግል ልትዛወሮ ለቀድሮ ዲብ ፍንቲይ ወክድ ዲብ ብሩድ ውልዋል ለቡ ወክድ ሐጋይ ወዲብ ጠላለት ከረምቶም። ዲብ ዴንማርክ እብ ተቅዩም 170 አምዴላት ዝላም ዘልም። እብሊ ሰብብ እለ ለበዝሐው መዋጥኒን ናይ እለ ደውለት እለ መደለት/ጽላል ምን እዴሆም ኢፈንቲ። ዲብ ክል ቤት

ለለትዐጅብ ሐቃይቅ

- ዲብ አሚሪክ እት ክል ሰነት ሐድ 85 ሚልዮን ቶን ውራቅ ዲብ ክድመት ልውዕል።
- ክልኦት ምን ሐምስ ነፈር ሌጣቶም ምስለ ሰልፋይ አው ሰልፋይት ፈተቾም ዐቅድ ዲብ ለአሰሮ ለልትረከው።
- እምበል አትካራም እግል 24 ሳዐት ዓላብ እግል ተዐልብ ዶል ትጀርብ። ምሮ ትራልዮን እግል ትብጸሕ ምን ልውሕድ ዝያድ 31 አልፍ ሰነት እግል ልንሰእ ምንክ ቀድር።
- በጣርየት ናይለ በዝሐዩ መካይን ቅያስ ሓለተ 12 ሾልት ሌጣ ተ።
- አሚርክዩን ዲብ ሰነት ዝያድ 16 አልፍ ቶን ከኒን አሰፕሪን በልዩ አው ልውሕሎ።
- እብ አሳሰ ተቅሪር ኢልሙድ አሰማይ ለቦም ውላድ ምን ልሙድ አሰማይ ለቦም መሻክል ዐቅል ዲብ ሳድፎም። እለ ልሙድ ወኢልሙድ አሰማይ ዲብ አዋልድ ሳኪን ለሰብዐ መሻክል ዓፍየት ክምስል አለቡ ተአምሮ ማሚ?

ፍንቲት ሰወር ሕዘው



ሳድሰ ወራር እብ ካርቱን

